

পদ্মিনী উপাখ্যান

রাজস্থানীয় ইতিহাস বিশেষ

শ্রীযুক্ত রঙ্গলাল বন্দ্যোপাধ্যায় প্রণীত

কলিকাতা

১১৫১২ নং গ্রে-স্ট্রীট, নূতন কলিকাতা “ইলেক্ট্রিক্‌ মেসিন যন্ত্রে”

শ্রীপূর্ণচন্দ্র মুখোপাধ্যায় দ্বারা মুদ্রিত ও প্রকাশিত।

১৩১২ সাল।

বিজ্ঞাপন ।

পদ্মিনী উপাখ্যান তৃতীয়বার মুদ্রিত হইল । বহু দিবস হইল, পুনর্মুদ্রাকনের প্রয়োজন-সঙ্গেও রাজকার্য্যে দেশান্তরে নিযুক্ত প্রযুক্ত যথাসময়ে উক্ত সংস্কল্প সিদ্ধ করিতে পারি নাই । এবারে মানস ছিল কিয়দধিক সংস্কারে প্রয়াস পাইব কিন্তু যে বিশিষ্ট প্রয়োজনে পদ্মিনী পুনঃ প্রকটিত হইল, তাহার ব্যতিক্রম আশঙ্কায় তন্মানস পূর্ণ করিতে পারিলাম না ইতি ।

শ্রীরঙ্গলাল বন্দ্যোপাধ্যায় ।

মঙ্গলাচরণ ।

পূজ্যপাদ শ্রীল শ্রীযুক্ত রাজা সত্যশরণ ঘোষাল
বাহাদুর মহাশয় শ্রীচরণাম্বুজেষু ।

প্রণতি পূর্বক নিবেদনমিদং ।

মহাশয় আমার প্রতি বাল্যকালাবধি অকৃত্রিম স্নেহ সহকারে
যে উৎসাহ প্রদান করিয়া থাকেন, সেই উৎসাহতরু সমাপ্তিত
শ্রদ্ধালতাজাত সামান্য উপহারস্বরূপ এই কাব্যকুসুম ভবদীয়
শ্রীচরণকমলাস্তুরালে সমপিত করিলাম ।

অনুগৃহীত ভৃত্য

শ্রীরঙ্গলাল বন্দ্যোপাধ্যায়

ভূমিকা ।

এই অভিনব কাব্যের প্রণয়ন ও প্রকটন সম্বন্ধে আমার কিছুদ্রব্য আছে। ১২৫৯ বঙ্গাব্দের বৈশাখ মাসে একদা বীটন সমাজের নিয়মিত অধিবেশনে কোন কোন সভ্য বাঙ্গালা কবিতার অপকৃষ্টতা প্রদর্শন করেন। কোন মহাশয় সাহস পূর্বক এরূপও বলিয়াছিলেন যে, “বাঙ্গালীরা বহুকাল পর্য্যন্ত পরাধীনতা-শৃঙ্খলে বদ্ধ থাকতে তাহাদিগের মধ্যে প্রকৃত কবি কেহই জন্মগ্রহণ করেন নাই। প্রত্যুত স্বাধীনতা-স্বাধীনতার মানসিক স্বাচ্ছন্দ্য-বিরহ হয়, সুতরাং পরিপীড়িত পরাধীন জাতির মধ্যে যথার্থ কবি কোনরূপেই কেহ হইতে পারেন না। আমি উক্ত মহাশয়দিগের অযুক্তি নিরসন নিমিত্ত ঐ সভায় এক প্রবন্ধ পাঠ করি, তাহা পুস্তকাকারে নিবন্ধ হইয়া প্রচার পাইলে অনেক অনুগ্রাহক মহাশয় আমার প্রতি বিশেষ সম্ভাষণ প্রকাশ করেন, বিশেষতঃ লেখকদিগের পরমবন্ধু রঙ্গপুরের অন্তঃপাতী কুণ্ডীর প্রসিদ্ধ ভূম্যধিকারী মৃত বাবু কালীচন্দ্র রায় চৌধুরী উক্ত প্রবন্ধ পাঠান্তে আমাকে যে পত্র লেখেন, তন্মধ্যে এই আক্ষেপোক্তি করিয়াছিলেন, যথা,—

“আধুনিক যুবাজনে, স্বদেশীয় কবিগণে,

ঘৃণা করে নাহি সহে প্রাণে ।

বাঙ্গালীর মনঃ-পদ্ম, কবিতা-সুধার সন্ম,

এই মাত্র রাখ হে প্রমাণে ॥”

কালীচন্দ্র বাবু এই ইঙ্গিত ভিন্ন নিরবচ্ছিন্ন পদ্য গ্রন্থ প্রণয়নে আমার প্রতি সর্বদাই সোৎসাহবাক্য লিখিয়া পাঠাইতেন। পরন্তু

কিরণস্বামীত হইল, মনুগ্রাহকবর স্বদেশহিত তৎপর মৃতরাজা সত্য-
 চরণ ঘোষাল বাহাদুর একদৈশীয় অধিকাংশ ভাষা কাব্যনিচয়ের
 অশ্লীলতা ও অপবিত্রতা সঙ্গে উত্তাবৎপাঠে একদৈশীয় বালক বৃদ্ধ
 বনিতা প্রভৃতি সর্বপ্রকার অবস্থার লোকদিগের প্রগাঢ় আনুরক্তি
 দর্শনে পরিবেদিত হইয়া আমার প্রতি বিগত প্রণালীতে কোন কাব্য
 রচনা করণার্থ ভূয়োভূয়ঃ অনুরোধ করেন। আমি উক্তোক্ত মহাত্মার
 অনুরোধে কর্ণেল টড্ বিরচিত রাজস্থান প্রদেশের বিবরণ-পুস্তক
 হইতে এই উপাখ্যানটী নির্বাচিত করিয়া রচনারস্ত করিয়া-
 ছিলাম। তদনন্তর উক্তোক্ত মহাত্মর অকালে পরলোকপ্রাপ্ত বিধায়
 শোকাভিভূত মনে তৎসংকল্প পরিহার করি। কিন্তু কাল সহকারে
 ইহ জগতে সকল বিষয়েরই হ্রাস ও পরিবর্তন আছে, অতএব প্রবোধ-
 চক্রে নিশ্চল প্রতিভার সস্তাপ-তিমির কথঞ্চিৎ বিগত হইলে কিয়-
 ন্মাসাতীত হইল পুনর্বার পদ্য রচনার প্রবৃত্ত হইয়া উক্ত কাব্য সমাপ্ত
 করিলাম। সমাপ্তি পরে শ্রীযুক্ত রেবরণ্ড ডবল্যু ওব্রাএন স্মিথ তথা
 শ্রীযুক্ত বাবু রাজেন্দ্রলাল মিত্র প্রভৃতি কতিপয় মার্জিত-বুদ্ধি বন্ধুর
 নিকট ইহা প্রেরণ করি,—তাহাতে তাঁহারা এবং উক্ত স্বর্গীয় রাজা
 বাহাদুরের অনুরক্ত শ্রীযুক্ত রাজা সত্যচরণ ঘোষাল বাহাদুর তথা বর্ণা-
 কুলর লিটরেচর সোসাইটী নামক প্রসিদ্ধ সমাজের অধ্যক্ষবর্গ
 তৎপ্রকাশার্থ বিশেষ উৎসাহ প্রদান পূর্বক অনুরোধ করাতে আমি
 সেই কাব্য প্রকাশ করিতেছি। কিন্তু যে মহদতিপ্রাপ্তে এই নূতন
 প্রণালীতে বাঙ্গালা ভাষায় কাব্য রচনার প্রথমোচ্ছোগ-পদবীতে আমি
 পদার্পণ করিলাম, তৎসিদ্ধি পক্ষে কত দূর পর্য্যন্ত কৃতকার্য হইয়াছি,
 তাহা ভবিষ্যতের গর্ভস্থ। বিশেষতঃ একপ্রকার বিবয়ের দোষ গুণ
 প্রভৃতির পর্য্যবসান সুভাবুক পাঠকদিগের বিচার্যবীন,—তথাহি;—

“কবিতারসমাধুৰ্য্যং কবিক্ষেতি ন তৎকবিঃ ।

ভবানীক্রকুটীভকীং ভবো বেত্তি ন ভূধরঃ ॥”

এখানে ইহাও জিজ্ঞাস্য হইতে পারে, আমি এতদেশীয় প্রাচীন পুরাণেতিহাস হইতে কোন উপাখ্যান না লইয়া আধুনিক রাজপুত্রে-
তিহাস হইতে তাহা গ্রহণ করিলাম, ইহার কারণ কি?—এতদ্বারা
বক্তব্য এই যে, পুরাণেতিহাসে বর্ণিত বিবিধ আখ্যান ভারতবর্ষীয়
সর্বত্র সকল লোকের কর্ণস্থ বলিলেই হয়, বিশেষতঃ, ঐ সকল উপা-
খ্যানমধ্যে অনেক অলৌকিক বর্ণনা থাকাতে অধুনাতন কৃতবিদ্যা
যুবকদিগের তত্ত্বাবৎ শ্রদ্ধাহীনহে, এবং এতদেশীয় জনসমাজে বিদ্যা-
বুদ্ধির স্বাক্ষর মহানুভবদিগের মতে তদ্রূপ অদ্বিত রসাপ্রিত কাব্যপ্রবাহে
ভারতবর্ষীয় যুবকদিগের অভ্যুর্ধ্ব চিত্তক্ষেত্র প্লাবিত করা কর্তব্য নহে।
পরন্তু ভারতবর্ষের স্বাধীনতার অন্তর্ধানকালাবধি বর্তমান সময়
পর্যন্তেরই ধারাবাহিক প্রকৃত পুরাতত্ত্ব প্রাপ্তব্য। এই নির্দিষ্ট কাল-
মধ্যে এদেশের পুষ্কতন প্রতিভা ও পরাক্রমের যে কিছু ভগ্নাবশেষ,
তাহা রাজপুতনা দেশেই ছিল। বীরত্ব, ধীরত্ব, ধার্মিকত্ব প্রভৃতি নানা
সদৃশগুণে রাজপুতেরা যেরূপ বিমণ্ডিত ছিলেন, তাঁহাদিগের
পত্নীগণও সেদৃশ সতীত্বগুণে এবং সাহসিকত্বগুণে প্রসিদ্ধ ছিলেন।
অতএব স্বদেশীয় লোকের গরিমা প্রতিপাদ্য পদ্য-পাঠে লোকের
আপ্ত চিত্তাকর্ষণ এছাৎ তদৃষ্টান্তের অনুসরণে প্রবৃত্তি প্রধাবন হয়, এই
বিবেচনায় আমি উপস্থিত উপাখ্যান রাজপুত্রেতিহাস অবলম্বন
পূর্বক রচিত করিলাম।

অপিচ, কিশোরকালাবধি কাব্যমোদে আমার প্রগাঢ়
আসক্তি, সুতরাং নানা ভাষার কবিতাকলাপ অধ্যয়ন বা
শ্রবণ করত অনেক সময় সংবরণ করিয়া থাকি। আমি সর্ব্বাপেক্ষা

ইংলণ্ডীয় কবিতার সমধিক পর্যালোচনা করিয়াছি, এবং সেই বিশুদ্ধ প্রণালীতে বঙ্গীয় কবিতা রচনা করা আমার বহুদিনের অভ্যাস। বঙ্গালী সমাচার পত্রপুঞ্জ আমি চতুর্দশ বা পঞ্চদশ বর্ষ বয়সে উক্ত প্রকার পদ্য প্রকটন করিতে আরম্ভ করি; তত্বেৎ যদিও অনেকের নিকট সমাদৃত হইত, কিন্তু সেই আদির তাঁহাদিগের মহৎ ব্যতীত আমার ক্ষমতা-প্রভূত নহে। আমার এস্থলে এ কথা লিখনের তাৎপৰ্য্য এই যে, কাব্যের স্থানে স্থানে অনেকানেক ইংলণ্ডীয় কবিতার ভাবাকর্ষণ আছে, সেই সকল দর্শনে ইংলণ্ডীয় কাব্যমোদিগণ আমাকে ভাবচোর জ্ঞান না করেন, আমি ইচ্ছা পূর্বকই অনেক মনোহর ভাব স্বীয় ভাষায় প্রকাশ করণে চেষ্টা পাইয়াছি, যেহেতু, তাহা করণের দুই ফল। আদৌ, ইংলণ্ডীয় ভাষায় অনভিজ্ঞ অনেক এতদেশীয় মহাশয় একরূপ জ্ঞান করেন, তদ্ভাষায় উত্তম কবিতা নাই; সেই ভ্রমাপনয়ন করা বিশেষাবশ্যক হইয়াছে। দ্বিতীয়তঃ ইংলণ্ডীয় বিশুদ্ধ প্রণালীতে যত বঙ্গীয় কাব্য বিরচিত হইবেক, ততই ত্রীড়াশূন্য কদর্য্য কবিতা-কলাপ অন্তর্দান করিতে থাকিবেক, এবং তত্বেৎ প্রেমিক দলেরও সংখ্যা হ্রাস হইয়া আসিবেক। পরন্তু এই উপলক্ষে ইচ্ছাও নিবেদ্য, আমি সকল স্থলেই যে ইংলণ্ডীয় মহাকবিদিগের ভাব গ্রহণ করিয়াছি, এমত নহে; অনেক ভাব স্বতই আসিয়া অনেকের মনে একাকারে সমুদিত হইয়া থাকে; সুতরাং তাহাদিগের অগ্র-পশ্চাৎ প্রকাশমতে কাব্যকারের প্রতি চৌর্য্যান্তিমোগ প্রয়োগ করা কর্তব্য নহে। কোন ইংলণ্ডীয় সুকবি কহেন—“আমাদিগের মধ্যে এক দল বিদূষক আছেন, তাঁহারা সম্ভাবিত সকল ভাবকেই পুরাতন জ্ঞান করিয়া থাকেন। তাহাদিগের এমত জ্ঞান নাই যে, পৃথিবীতে ক্ষুদ্র বৃহৎ স্বাভাবিক উৎসসমূহ আছে, তাহারা কোন প্রবাহ দৃষ্টিমাত্রে বোধ

করে, তাহা কোন মনুষ্যের পুষ্করিণী হইতে প্রবাহিত হইয়া আসিতেছে।”

এইরূপে, কাব্য কি ?—এবং তদালোচনার কল কি ?—এই দুই সূকঠিন প্রশ্নের মীমাংসাকল্পে কিঞ্চিৎ লেখা বাইতেছে, বেহেতু, তদুত্তর বিষয়ে এতদেশীয় অনেক লোকের ভ্রম আছে। মিতাক্ষরে এবং মিতাক্ষরে রচিত, যতি-সম্বন্ধিত, অনুপ্রাসাদি অলঙ্কারে ভূষিত পদবিজ্ঞাস করিলেই তাহা কাব্য হয় না। সুবিখ্যাত সাহিত্যদর্পণ গ্রন্থে ইহার যথার্থ লক্ষণ লিখিত হইয়াছে, যথা “কাব্যং রসাত্মকং বাক্যম্।” এই স্বল্পবাক্যে কবিতা-কলার গুণব্যাখ্যাত বৃহৎগ্রন্থ বিশেষের মর্ম্ম ব্যক্ত হইয়াছে। প্রত্যুত, কাব্য মানসিক ধ্যানধূতিরূপ পুষ্পবাটিকাস্থ অশেষবিধ ভাবকুম্বের সৌরভ মাত্র, সেই সুগন্ধভার প্রবহনে কবি-দিগের মনমানিবলবৎ রচনাশক্তিই পটুতর। কবিতার অসাধারণ শক্তি, মনুষ্যের মনে সর্বপ্রকার রসোদ্দীপনে ইহার মহীমসী ক্ষমতা, শাস্ত্র-কারেরা প্রত্যেক রসোৎপত্তির এক একটা নিদান নির্দেশ করিয়া-ছেন, কিন্তু কবিতাকে সকল রসের নিদান করা বাইতে পারে; মোহের প্রত্যক্ষ কারণ কিছুই নাই, অথচ কবিতা পাঠ বা শ্রবণ করত মনুষ্যের অশ্রুপাত হইতেছে,—হাস্তের প্রত্যক্ষ কারণ কিছুই নাই, অথচ কবিতা পাঠ বা শ্রবণ করত জনসমাজে হাস্যার্ণব তরঙ্গিত হই-তেছে—বীভৎসের প্রত্যক্ষ কারণ কিছুই নাই, অথচ কাব্যপাঠক বা শ্রোতার মুখভঙ্গীতে তাহা প্রকৃষ্টরূপে লক্ষিত হয়।

কবিতার আর এক গুণ এই, তাহা সুসুপ্ত-প্রায় মানসিকবৃত্তি-চরকে সহসা জাগরিত এবং উত্তেজিত করিতে পারে। প্রাচীন জাতিদিগের মধ্যে এই এক রীতি ছিল, তাহারা বিগ্রহ-ব্যসনাদি সমুদায় উৎসাহকর ব্যাপারে কবিদিগের সাহচর্য্য রাখিতেন। কবিগণ

উক্ত কবিদিগের শৌৰ্য্য-বীৰ্য্য-গুণসম্পন্ন পূৰ্বপুরুষদিগের গুণানুবাদ গান করিতেন, তাহাতে শ্রোতৃবর্গের মনসে বীর, শান্তি, রোদ্ৰ প্রভৃতি ভাব সকলের সমুদ্ভাবে বিশেষোপকার হইত। প্রকৃত কবিদিগের অস্তঃকরণ সহস্রধারা নামক বিচিত্র উৎসস্বরূপ, তাহাতে যেরূপ সামান্যরূপ শব্দ করিলেই ধারা নির্গত হয়, কবিদিগের অস্তঃকরণ হইতে সেইরূপ সামান্য ঘটনাতে ভাবধারা নিঃসৃত হইতে থাকে।

কবিতার * আর এক শক্তি, তাহা আমাদের স্বাভাবিক অতি সূক্ষ্মতর ভব-সমূহকে সচেতন করিতে পারে; তদ্বারা দয়া, কৰুণা, মমতা, প্রণয় প্রভৃতি মানসিক ধর্মসকল বৃদ্ধিযুক্ত হয়, ও চিন্তা প্রভৃতি পরিকল্পনার বিশুদ্ধতা জন্মে। প্রকৃত কবিব্যক্তি কোন ইতর বা গর্হিত কার্য্যকরণে অগত্যা বাধিত হইলে তাঁহার আর মর্ম্মপীড়ার সীমা থাকে না। কবিতার অপর এক গুণ এই, তাহা সাংসারিক সামান্য চিন্তাজাল ও ইচ্ছিয়ভোগসক্তি হইতে মনুষ্যের মনকে সর্বদা বিমুক্ত রাখিতে পারে, এবং অস্তঃকরণে একরূপ সুদৃঢ় বিশ্বাসের সংস্থান করে যে, জগতীয় সামান্য প্রকার কণিকসুখ ব্যতীত এক সুনির্ম্মল নিত্যসুখ-সন্তোগের সম্ভাবনা আছে। কবিতা এক প্রকার ধর্ম্ম-বিশেষ। কবিরা নিসর্গরূপে ধর্ম্মের পুরোহিত। তাঁহারা জগতীযরূপ কার্য্যের ক্রম প্রদর্শন পূর্বক তৎকর্ত্তার সত্তা সংস্থাপন করেন। তাঁহারা মনুষ্যের নিকট ঐশিক ক্রিয়া-প্রণালীর যাথার্থ্য নিরূপণ করিয়া দেন। কবিরা নীরস অস্থিয়ার তত্ত্বশাস্ত্রের শরীরে আত্মার সঞ্চার করত

* এতদেশীয় লোকের শ্রীধর্ম্মনেছু কোন প্রসিদ্ধ ইউরোপীয় মহাশয়ের উক্তি অনুসারে এই পরিচ্ছেদের কিরদংশ লিখিত হইল।

তাহাকে স্বর্গীয় সৌন্দর্য্যে শোভিত করেন । তাঁহাদিগের উপদেশে আমরা অচেতন পদার্থ সকলকে সচেতনস্বরূপ প্রত্যক্ষ করি ।

তথাহি ;—

“তরু-লতিকায় যেন বচন নিঃসরে ।

বেগরতী নদীচর গ্রহ-ভাব ধরে ॥

উপদেশ দান করে পাবাণ-সকল ।

সকলি প্রতীত হয় সুন্দর নিফল ॥”

অপিতৃ, মনোজ্ঞ ভাবান্তরণে মনুষ্য মনোভূষণকারিণী ও হৃদয়-পদ্মে ঔদার্য্যাদি সঙ্কল্পরূপ মধু সঞ্চারিণী এই চমৎকারিণী বিদ্যা মনুষ্যকে ইতর এবং স্বার্থপর চিন্তাচক্র হইতে যেরূপ দূরান্তরিত রাখে, এমত আর কিছুতেই রাখিতে পারে না। কোন জ্ঞানীপ্রবর কহেন,—“কবিদিগের মর্যাদা-কল্পে বক্তব্য এই যে, আমি তাঁহাদিগকে কস্মিন্কালে অতিশয় লালসাপরবশ বা জ্বন্যরূপ কার্পণ্য-দোষাশ্রিত দেখি নাই। অন্ত্যস্ত শ্রেণীর লোকাপেক্ষা তাঁহাদিগের অন্তঃকরণ এমত সুপ্রশস্ত যে, তাহার সহিত পরমেশ্বর এবং দিব্যালোকের বিশেষ সম্পর্ক আছে, এমত ঘলা যাইতে পারে।”

বর্তমান সময়ে যে সকল ব্যক্তি ইংলণ্ডীয় বিদ্যায় সুশিক্ষিত নহে, তাহার মানসিক শক্তিসমূহের পরিচালনা-জনিত সুখ-সন্তোষে বঞ্চিত বিধায় ভূচ্ছতর ইতর আমোদে অবকাশকাল অতিপাত করিয়া থাকে ।

“ইন্দ্রিয়ার ভোগে যবে অরুচি উদয় ।

ছর্ব্বল নাড়ীর গতি মন্দ মন্দ বয় ॥

যেই চাক্র স্থখে পুনঃ পূর্ণ ভাষা হয় ।

সে কুচিরতর সুখ অবগত নয় ॥”

অপিচ, কেবলমাত্র বিজ্ঞানবিদ্যার বুদ্ধির তীক্ষ্ণতা সম্পাদন কর-
 নের শিকা-প্রণালীকে সম্পূর্ণ বা সংস্কৃত রীতি বলা যাইতে পারে না।
 বিজ্ঞানবিদ্যা স্বভাবতঃ কঠিন এবং উৎসুক্যবিহীন, অতএব চিন্তা-
 কিরণকরণক ভাবকুসুম-প্রফুল্লকারী পরমগৌরবভাজন কলা-কলা-
 পের সাহায্য ব্যতীত তাহা প্রিয়কর হয় না। বুদ্ধির প্রাথর্য-সম্পা-
 দনার্থে যেরূপ বিজ্ঞানবিদ্যার প্রয়োজন, অন্তকরণের উৎকর্ষ-সম্পাদ-
 নার্থে সেইরূপ কাব্যালঙ্কার প্রভৃতি কলার আবশ্যিকতা। প্রত্যুত,
 উভয় পদার্থেরই শ্রীবৃদ্ধিসম্পাদন অতি কর্তব্য। বিজ্ঞান দ্বারা
 আকাশবিহারী জ্যোতির্গণের যেরূপ পরিধি, পরিমাণ ও সংখ্যা
 নিরূপণ করা যাইতে পারে, কবিতা দ্বারা সেইরূপ তাহাদিগের
 অনির্কচনীয় শোভা-সৌন্দর্যাদি হৃদয়ঙ্গম করা যায়। যিনি এই
 দৃশ্যমান বিশ্বকে অপূর্ণ শোভা-সৌন্দর্যে আবৃত করিয়াছেন, তিনি
 আমাদেরকে স্তম্ভাবতের পরিমাণ ও সংখ্যা নিরূপণ করিতে নির্দেশ
 করিয়া সেই অপূর্ণ প্রতিভাপুঞ্জের রসজ্ঞ হইতে যে নিষেধ করিয়া-
 ছেন, এমত কথা কখনই বুদ্ধিসিদ্ধ হইতে পারে না। অতএব
 জগদীশ্বর কিরূপ নিয়মে ইহ জগৎকে সৌন্দর্য-রসে প্রাবিত করি-
 য়াছেন, তাহা এতদেশীয় লোকেরা ইংলণ্ডীয় এবং সংস্কৃত মহাকবি-
 দিগের গ্রন্থাধ্যয়ন পূর্বক অমুভূত করুন। যাহারা তদ্রূপ অধ্যয়ন-
 দ্বারা কৃতার্থ হইয়াছেন, তাহাদিগের আন্তরিক সুখের পরিসীমা
 নাই। এমত সকল ব্যক্তি সংসারের ইতর চিন্তা ও ব্যতিবাস্ত জন-
 মণ্ডলীর সহবাস পরিত্যাগ করিয়া নৈসর্গিক সামান্য শোভাবলো-
 কনে অত্যর্থ পুলকিত হন ;—

“সামান্য কুসুম-কলি কন্দরে কলিত।

সামান্য বিহঙ্গনাদ পবনে চলিত ॥

সাধারণ সূর্য, আর সমীর, আকাশ ।

তাঁহার নিকটে যেন স্বর্গের প্রকাশ ॥”

এইরূপ কবি এবং কবিতার প্রশংসা বিশেষভাবে করিলে তাহা গ্রন্থপ্রমাণ হইয়া উঠে, অতএব আর বাহুল্যোক্তি না করিয়া এস্থলে এতাবশ্যক বলিয়া শেষ করি যে, হে স্বদেশীয় মহাশয়বর্গ, আপনারা ঘৃণিত উলঙ্গ আদিরসের কবিতার প্রেম পরিহার পূর্বক বিমলানন্দদায়িনী কবিতার প্রীতিরসে প্রবৃত্ত হউন । ইতি ।

পদ্মিনী উপাখ্যান ।

সূচনা ।

নবীন ভাবুক এক ভ্রমণ কারণ ।

ভারতের নানা দেশে করি পর্যটন ॥

অবশেষে উপনীত রাজপুতনায় ।

বসুধা বেষ্টিত যার কীর্তি-মেথলায় ॥

দেখিলেন অজামীল পুরী আজমীর ।

যশনীর যোধপুর আর বিকানীর ॥

কোঁটা বুঁদি শিকাবতী নীমচ সারয়ে ।

উদয় উদয়পুরে প্রফুল্ল-হৃদয়ে ॥

জয়সিংহ-পুরী জয়পুর চারুদেশ ।

যার শোভা মনোলোভা, বৈকুণ্ঠ বিশেষ ॥

ভ্রমি বহু রাজপুরী সানন্দ অন্তরে ।

প্রবেশেন একদিন চিতোর নগরে ॥

দেখেন অচল এক অতি উচ্চতর ।


তার নিম্নে শোভাকর সুন্দর নগর ॥

গিরি-পরে শোভে গড়, প্রাচীরে বেষ্টিত ।

রাজ-চক্রবর্তী হিন্দুসূর্য্য * প্রতিষ্ঠিত ॥

ধরাধর-অঙ্গে শোভে নানা স্তম্ভবর ।

নয়নের প্রীতিকর ওষধি বিস্তর ॥



* উদয়পুরের রাণাদিগের আদিপুরুষ বাগ্ধারাও অন্যান্য উপাধিমধ্যে এই

গৌরবাক্ত উপাধি ধারণ করেন ।

পদ্মিনী উপাখ্যান ।

কোন স্থলে যুদ্ধস্বর করি নিরস্তর ।
উগরে নিব'রচয় মুকুতা-নিকর ॥
তরুণ অরুণ ভাতি ছলে কোম স্থলে ।
প্রবালের বৃষ্টি যেন হয়েছে অচলে ॥
কোথাও তটিনীকুল কুল কুল স্বরে ।
শেখরের শ্রাম অঙ্গে চারু শোভা করে ॥
যেন রঘুপতি-হৃদে হীরকের হার ।
ঝলমল ভাবু-করে করে অনিবার ॥
নানা জাতি বিহঙ্গে সুরঙ্গে গান করে ।
সস্তাপীর তাপ দূর মন প্রাণ হরে ॥

আহা এইরূপ শোভা অতি অপরূপ
উথলয় ভাবুক জনের ভাবকূপ !
সরসী সরিৎ সিদ্ধু শেখর সুন্দর ।
গহন গহ্বর বন নিব'র-নিকর ॥
দিনকর নিশাকর নক্ষত্রমণ্ডল ।
মেঘমালা তড়িতের চমক উজ্জল ॥
ইহ খলু নিসর্গের শোভা অনূপম ।
যাহে জন্মে ভাবুকের বিলাস বিভ্রম ॥
সে স্বপ্নের তুল্য স্বপ্ন, আর কিবা হয় ?
দৈব অনুগ্রহ ভিন্ন অনুভূত নয় ॥
দেখ দেখি ভবভূতি আর কালিদাস ।
কাব্যে সেই রস কিবা করিলা প্রকাশ ॥
মহা মহীপালগণ সভার ভিতর ।
মহারত্নরূপে খ্যাত দেশদেশান্তর ॥

পদ্মিনী উপাখ্যান

কিন্তু তাঁরা সেই সব সত্যের বর্ণনে ।
কটা কথা লিখেছেন ভাব আকর্ষণে ?
প্রকৃতি-রূপের ছটা করি দর্শন ।
করেছেন কাব্য-সুধা-সার বরষণ ॥
পাঠমাত্রে লোমাক্ষিত হয় কলেবর ।
ধন্য ধন্য কাব্য-শক্তি রসের সাগর !
আয় মন ! চল যাই সেই সব দেশে
যথায় প্রকৃতি সাজে মনোহর বেশে ॥
দেখিবে বিচিত্র শোভা শৈল আর জলে
শ্রবণ জুড়াবে তটিনীর কলকলে ॥
কন্দরে কন্দরে কুটে কুমুম অশেষ ।
শরীর জুড়াবে, যাবে সমুদয় ক্লেশ ॥

এইরূপ নানা শোভা দেখিতে দেখিতে
পথিক উঠেন দুর্গে পুলকিত চিতে ॥
বিশেষ দুর্গম পথ পাষাণে রচিত ।
ভুজঙ্গের গতি সম ক্রোশ-পরিমিত ॥
ক্রমে ক্রমে পরিহার করি ছন্ন দ্বার ।
উপনীত যথা সিংহদ্বার সুবিস্তার ॥
অতিশয় পুরাতন কীর্তির প্রকাশ ।
হইয়াছে কত তরু লতার নিবাস ॥
খচিত বিবিধ কার্য্য দ্বার-দেহময় ।
মূর্তিমান্ কত শত দেব-দেবীচয় ॥
যবনের কার্য্য তাহে নহে দৃশ্যমান ।
দ্বার যেন কৃতান্তের কাটক সমান ॥

পদ্মিনী উপাখ্যান

তদন্তে শোভিত দেবালয় ছই তিতে ।
পণ্যবীথি পূর্ণ সারি সারি পশ্যিতে
বৃহত্তর মনোহর প্রাসাদ প্রচুর ।
কালদন্তে প্রতিক্ষণ হইতেছে চুর
নগরাধিষ্ঠাত্রী কর্তী হত্রী মহাদেবী ।
চিতোরের সৰ্বনাশ যার পদ সেবি
রয়েছে তাঁহার মঠ পর্ততপ্রমাণ ।
অষ্টভুজা, কেশরী-আসনে অধিষ্ঠান ॥
মহাকাল এক-লিঙ্গ * শিব অল্পময় ।
মন্দির সমীপে কত দণ্ডীর আশ্রম ॥

এ সকল নিরখিয়ে পথিকের চিত ।
মলিনতা-মেঘজালে হইল জড়িত ॥
মানসে করেন চিন্তা কোথায় সে দিন ?
যে দিনে ভারতভূমি ছিলেন স্বাধীন ॥
অসংখ্য বীরের যিনি জন্মপ্রদায়িনী ।
কত শান্ত দেশে রাজবিধিবিধায়িনী ॥
এখন দুর্ভাগ্যে পরভোগ্যা পরাধীনী ।
যাতনায় দিন যায় হয়ে অনাথিনী ॥
কোথা সে বীরত্ব আর বিক্রম বিশাল ?
সকলি করেছে গ্রাস সৰ্বভুক কাল ॥
এই যে ভীষণ দুর্গ না জানি কাহার ?
কত বীর করেছেন ইহাতে বিহার ॥

* বাঙ্গারার ইষ্টদেবতা এই শিবলিঙ্গের প্রকৃত মন্দির নাগীন্দ্র নামক স্থানে
আছে, এ নাগীন্দ্র উদয়পুর হইতে পঞ্চ কোশ অন্তরে স্থিত । একলিঙ্গের পূজকেরা
হার্য্যত ঋষির বংশধর।

পদ্মিনী উপাখ্যান

এখন দরিদ্র দশা দৃশ্য সর্বস্থানে ।
যলিনতা প্রবলতা যেখানে সেখানে ॥
কোথায় উৎসাহ রক্ত হস্ত মহোৎসব ?
তেজোহীন জনগণ, যেন সব শব ॥

এইরূপ ব্যাকুল হইয়া চিত্তাকুলে ।
আইলেন শেষে এক সরোবর-কূলে ॥
ঢল ঢল করে জল বিমল উজ্জল ।
সস্তরে বিহরে তাহে রাজহংসদল ॥
চারিধার বাঁধা তার প্রস্তর-সংযোগে ।
অদ্যাবধি পণ্ডিত নহেক কাল-ভোগে ॥
তার মাঝে চাক্র বীণ রচিত পাষণে ।
হেন মনোলোভা শোভা নাহি কোন স্থানে
তাহে রম্য হর্ষা এক অতি পুরাতন ।
ছতশনে দগ্ধ-প্রায় হয় দর্শন ॥
দেখিয়ে পথিক মনে ভাবেন তখন ।
কি হেতু হইল ইথে ধূমের বরণ ?

এমন সময়ে এক প্রাচীন ব্রাহ্মণ ।
স্নানান্তরে জলাশয়ে দিলেন দর্শন ॥
করপুটে পথিক করেন প্রশ্ন তাঁরে ।
“কহ বিজ এই পুরী-বৃত্তান্ত আমারে ॥”
বিপ্র কন, “ শুন ওহে পথিক স্মজন ।
করুণা-রসের সিদ্ধ স্থান-বিবরণ ॥
শ্রবণেতে দ্রব হয় পাষণ-হৃদয়
অভাবক-হৃদে হয় ভাবের উদয় ॥

রাজ-পুত্র ইতিহাস সমস্ত সমান ।
 এই সে চিতোর-পুরী তার আশ্রয় স্থান ।
 ত্রেতার ছিলেন সূর্য্যবংশ-দণ্ডধর ।
 স্বাপরেতে চন্দ্রবংশ ধরার ঈশ্বর ॥
 কলির প্রারম্ভে পুনঃ ভাসুকুল-ভূপ ।
 বাহাদের বীরত্বের নাহি অনুরূপ ॥
 দেববংশী শিলাদিত্য বিখ্যাত ধরায় ।
 যার বংশজাত বাগীর ও মহাকায় ॥
 একলিঙ্গ শিব পূজি বীরত্ব লভিল ।
 মোরা-বংশ্য মাতুলের সাম্রাজ্য হরিল ॥
 করিল অশেষ কীর্তি কি কব বিশেষ ।
 হরিল বিক্রমবলে যবনের দেশ ॥
 একচ্ছত্রা অবনী করিল মহাবীর ।
 হরন্ত হৃদ্যন্ত ম্লেচ্ছ ভয়েতে অস্থির ॥
 ইরাণ তুরাণ আদি কত শত স্থান ।
 কাবল কাশ্মীর কান্ধহার কাফ্রিস্তান ॥
 ইত্যাদি অনেক দেশে হইলে বিজয় ।
 করিলেন কত রাজকন্ঠা পরিণয় ॥
 জন্মিল অসংখ্য বংশ হিন্দু মুসলমান ।
 হিন্দু সূর্য্য বংশী খ্যাত, যবন পাঠান ॥
 শত বর্ষ বয়ঃপ্রাপ্তে সেই মহাশয় ।
 সশরীরে স্বর্গগত কবিচন্দ্র * কর ॥

* ইনি পৃথুরাজের সময়ে রাজপুত্রদিগের প্রধান কুলকবি ছিলেন

পদ্মিনী উপাখ্যান ।

সুখাসনে শয়নে নিষগ্ন নৃপবর ।
চারু পট্টবসনে আবৃত কলেবর ॥
চারি ধারে অমাত্য আশ্রয়গণ বসি ।
নক্ষত্রমণ্ডলে যেন মেঘাচ্ছন্ন শশী ॥
আবরণ মোচন করিয়া তার পর ?
অদ্ভুত নিরখি সবে বিস্মিত অন্তর ॥
না দেখে পর্য্যঙ্কে মহীপতি-মৃত-কার ।
কেবল প্রকৃত পদ্ম-জাল *শোভা পায় ॥
সুরেন্দ্র-লোকের প্রায় সুরভি বহিল ।
নন্দনকানন সুখে সকলে মোহিল ॥
ধন্য ধন্য বাণীরাও কীর্ত্তি-কলাধর ।
ধন্য বীর্য্যবিভূষণ ধন্য বীরবর !
সেই বংশে কত শত নৃপতি প্রভূত ।
চিতোরের অধীশ্বর নানা গুণযুত ॥
তের শত একত্রিশ সংবৎ বৎসরে ।
বরিত লক্ষণসিংহ সিংহাসনোপরে ॥
শিওরাজ লক্ষণ অপ্রাপ্ত-ব্যবহার ।
রাজ্য করে ভীমসিংহ পিতৃব্য তাঁহার ॥
বাঁর প্রিয়তমা সে পদ্মিনী মনোরমা ।
রূপে, গুণে, জ্ঞানে, অবনীতে অমুপমা ॥
বাঁহার রূপের কথা, শুনি দিল্লীপতি ।
চিতোর ঘেঁরিল আসি হরে কিপুমতি ॥

* সেই পদ্মপুস্পসমূহ সন্মোষনমধ্যে রোপিত হইলে বৃদ্ধি পাইতে থাকিল ।
এইরূপ উপভাস নৌশেরর । ভূপতির বৃত্তান্তবিধে কথিত হয় ।

পদ্মিনী উপাখ্যান

রাজ্যলোপ, বংশলোপ, প্রাপ্ত হয় তার ।
ব্যান-মাতা * রাখলীর কুখার আলায় ॥
তথাপি পদ্মিনী মতী মতীত-রতন ।
না দিলেন মরনেরে, করি প্রাণপণ ॥
অতুলিত রূপ, গুণ, মতীয় সহিত ।
অর্পিলেন অধিগ্রাসে রাখিতে সহিত ॥
হের গুহে পথিক গহ্বর † ভরকর ।
এই স্থানে মনু পদ্মিনীর কলেবর ॥
দেবহলীরূপে গণ্য করে যত নর ।
রক্ষকস্বরূপ আছে কাল বিশ্বধর ॥”
চকিত স্থগিত নেয়ে পথিক তখন ।
কৃতান্তলি করে করিলেন নিবেদন ॥
“কহ দ্বিজ মম প্রতি হয়ে কৃণাবান্ ।
বিবরিয়া পদ্মিনীর চাক্র উপাখ্যান ॥”

পদ্মিনী-বর্ণন ।

দ্বিজ কন “হে সৃজন, কর মন সমর্পণ,
পদ্মিনীর বিচিত্র কথায় ।
চৌহান কুলের দ্বীপ, সিংহল দ্বীপের নৃপ,
বিখ্যাত হানিরশখ রায় ।

* ইনি রাজপুতনার শ্রেয়সী কুলদেবতা । যারা ইহাকে বীর বস্ত্রালয়
মনরদ্বীপ হইতে আনয়ন পূর্বক চিত্তোরে প্রতিষ্ঠিত করেন ।

† রাজপুতনার কোন কবি কহেন, ঐ গহ্বরের গর্ভে এক অট্টালিকা আ ।

পদ্মিনী উপাখ্যান ।

তার কল্পা মনোরমা, তিনোত্তমা কিম্বা রমা,
পদ্মিনী সৌন্দর্য্য-সার-ভাগ ।

ভীমসিংহে হুহিতায়, দিলেন হামির রায়,
সহ যথাযোগ্য অমুরাগ ।

যেমন পদ্মিনী সতী, মিলিল তেমতি পতি,
রাজকুলচক্রবর্তী ভীম ।

ধর্ম্মে ধর্ম্মপুত্র সম, রূপে সহদেবোপম,
বীর্য্যে পার্থ, বিক্রমেতে ভীম ॥

যোগ্য পাত্রে মিলে যোগ্য, সুধা সুরগণ-ভোগ্য,
অশুরের পরিশ্রম সার ।

বিকশিত তামরসে, অলি আসি উড়ে বসে,
ভেকভাগ্যে কেবল চীৎকার ॥

মাধবী মাকন্দ কায়, প্রকাশিত প্রতিভায়,
বল তাহে কি শোভা অতুল ।

আকন্দের দেহোপরে, যদ্যপি বিরাজ করে,
দেখিলে নয়নে বিঁধে শূল ॥

সর্ব্বস্বলক্ষণবতী, ধরাধামে বে যুবতী,
লোকে বলে পদ্মিনী তাহারে ।

সেই নাম নাম যার, সেরূপ প্রকৃতি তার,
কত গুণ কে কহিতে পারে ?

পতিব্রতা পতিরতা, অবিরত স্মৃশীলতা,
আবিভূতা হৃদপদ্মাসনে ।

কি কব লজ্জার কথা, লতা লজ্জাবতী যথা,
মৃত-প্রায় পর-পরশনে ॥

চিতোর আক্রমণ ।

সাজিল সখন, সেনা অগণন,
 করিবারে রণ চলিল ।
 শিরোপরে তাজ, যত তীরন্দাজ,
 সাজ সাজ সাজ বলিল ॥
 ধুলার গগন, ধূসর বরণ,
 অদৃশ্য তান হইল ।
 কুলবতীচয়, মনে পেয়ে ভয়,
 নিভূতে আশ্রয় লইল ॥
 বিষম বিশাল, মদে মাতোয়াল,
 করিযুথ কাল ছুটিল ।
 পিঠেতে আমারি, শোভে সারি সারি,
 তাহে ধনুর্কারী উঠিল ॥
 মণি-মুক্তা-কাজ, ঝুলেতে বিরাজ,
 রবি-ছবি লাজ পাইল ।
 কোমল কমল, সম মখমল,
 শোভা নিরমল, ছাইল ॥
 অগণিত বাজী, কিবা তাজি রাজী,
 আসোয়ার সাজি ধাইল ।
 করে করবাল, পিঠে বাধি ঢাল,
 যত সেনাপাল যাইল ॥
 হলো হলখুল, করে করি শূল,
 কত সেনাকুল, সাজিল ।

শূন্য রাজপুরী, বিগত মাধুরী,

ভেঁ। ভেঁ। রবে তুরী বাজিল ॥

চলে সেনাদল, তৃণহীন স্থল,

জলাশয় জল শুকাল।

হেরিতে করাল, চলে পাল পাল,

নাহিক সকাল বিকাল ॥

উঠে ডাক হাঁক, বাজে জয়ঢাক,

কত শত বাক ফুঁকিল।

সুখী কত মতে, যবন যাযতে,

হিন্দু-বধ-ব্রতে বুঁকিল ॥

দল্লীর সম্রাট, সহ সেনা-ঠাট,

তাজি রাজ্যপাট মাতিল।

স্থির নহে মন, তাহাতে মদন,

নিজ সিংহাসন পাতিল ॥

পদ্মিনী স্বরণ, পদ্মিনী মনন,

পদ্মিনী জীবন দছিল।

পদ্মিনী দর্শন, পদ্মিনী শ্রবণ,

সে পদ্মিনী মন মোছিল ॥

পদ্মিনী শয়নে, পদ্মিনী স্বপনে,

পদ্মিনী বচনে রাখিল।

সেই রূপ-ধ্যান, করি রহে প্রাণ,

সেই রূপে জ্ঞান ঢাকিল ॥

পদ্মিনী উদ্দেশে, সময়ের বেশে,

রাজপুত্র দেশে আইল।

মাঝে মাঝসটি, যত সেনাঠাট,
ছর্গের কবাট পড়িল ॥

বিগ্রহ ও সন্ধির মন্ত্রণা ।

শ্রাবণের ধারা সম ধারা অনিবার ।
বুরুজ হইতে পড়ে গোলা * একধার ॥
যেন খোরতর শিলাবৃষ্টির পতনে ।
ফুল ফল দলে দলে দলিত সবনে ॥
অথবা কর্তনী-মুখে শস্ত্রের ছেদন ।
অথবা হেমন্ত-শেষে পাতার ঝরণ ॥
সেইরূপ দলে দলে পড়ে শক্রাট ।
শুধু এই শব্দ, “মার, মার, কাট, কাট ॥”
পলায় পাঠান-সেনা খাসগত প্রাণ ।
দলভঙ্গ চতুরঙ্গ হারাইল জ্ঞান ॥
থাকে থাকে ঘিরেছিল ছর্গের প্রাচীর ।
বাহু ছেড়ে ভাগে যত দেড়ে ধেড়ে বীর ॥
শত্রুর প্রস্থান দেখি রাজপুত্রগণ ।
সিংহনাদে গগন পূরিল সেইক্ষণ ॥
বুরুজে বুরুজে ফেরে পদাতি সকল ।
মাঝে মাঝে তোপ শব্দে কম্পিত অচল ॥

* যদিও মোগল সম্রাট বাবরের সময় বুরুজেরে তোপ ব্যবহার প্রচলিত হয়, কিন্তু প্রাচীন কবি চন্দ্রের গ্রন্থে “নল গোলা” প্রভৃতি অগ্ন্যস্ত্রের উল্লেখ আছে, তদ্বারা সোধ হইতেছে ভারতবর্ষে অতি পুরাকালে গোলা গুলির ব্যবহার ছিল ।

পুনর্বার পাঠানের সেনাপতিচর ।
 বিপক্ষে দেখিয়া শ্রান্ত রজনীসময় ॥
 দলে দলে আসি করে নগর বেষ্টন ।
 পাতিল তোপের শ্রেণী ভুড়িতে তোরণ ॥
 গুড়ম্ গুড়ম্ গুম বজ্রের আওয়াজ ।
 শুনি সচেতন হয়ে ভীম মহারাজ ॥
 “সাজ সাজ” বলি আজ্ঞা দিলেন তখন ।
 পুনঃ প্রাচীরেতে উঠে যত সেনাগণ ॥
 দুই পক্ষে ঘোরতর অস্ত্রের চালনা ।
 মরিল অনেক সেনা কে করে গণনা ॥
 কালানল সম অগ্নি জ্বলে ধূ ধূ ধূ ধূ ।
 যবনের যুদ্ধনাদ আল্লা হু আলা হু * ॥
 রুধির প্রবাহ বহে বনাশ † প্রবাহে ।
 ভয়ানক ভাবের প্রভাব হয় তাহে ॥
 ধূমেতে ধূসরবর্ণ ধরিল আকাশ ।
 স্থানে স্থানে তোপযুখে বিজলী প্রকাশ ॥
 নীচে থেকে উঠে গোলা শুল্লে গিন্না কুটে ।
 চিতোরের কত শত ঘর দ্বার টুটে ॥
 বাজারে লাগিল অগ্নি দগ্ধ দ্রব্যরাশি ।
 ত্রাহি ত্রাহি শব্দ করে যত ছুর্গবাসী ॥

* লর্ড বায়রন কহেন মুসলমানেরা এই যুদ্ধনাদ কালে হু শব্দটা একরূপ ভাবে উচ্চারণ করে যে তাহাতে এক প্রকার ভয়ানক ভাবোদয় হয় ।

† রাজপুতনা প্রদেশে প্রবাহিত নদী ।

কাটক-সমীপে কোন যোদ্ধা বৃদ্ধ করে ।
 পুত্র পরিবার তার গৃহে পুড়ে মরে ॥
 হাহাকার-রব-পূর্ণ চিতোর নগর ।
 বালক বনিতা বৃদ্ধ অস্থির অন্তর ॥
 বিক্রমে কেশরী প্রায় রাজপুত্রগণ ।
 পরম সাহসে সবে করে ঘোর রণ ॥
 পরাক্রমে নান নহে ছরস্ত পাঠান ।
 হিন্দুর বিনাশে পুণ্য, মনে দৃঢ় জ্ঞান ॥
 শশীকর প্রায় শস্ত্র সর্বাক্ষে শোভিত ।
 বক্ মক্ চক্ মক্ পজা চ্যুরিভিত ॥
 উড়িছে নিশান নীল অর্ধচন্দ্রতলে ।
 প্রকট বিকট মূর্তি দৃষ্ট সর্বস্থলে ॥
 হেন কালে একদিকে উঠে হাহাকার ।
 সমরে পড়িল এক আলার কুমার ॥
 শ্রুতমাত্র বাদশার শিহরিল দেহ ।
 এমনি আশ্চর্য্য শক্তি ধরে পুত্রস্নেহ ॥
 কঠোর কুলিশ সম যাহার হৃদয় ।
 বালক-বনিতা-হৃৎষে কাতর যে নয় ॥
 আহবে মাতিলে নাহি থাকে কিছু বোধ ।
 সমুদয় নাশে, মানে নাকো উপরোধ ॥
 এমন হৃদয় যার নিপট নিদয় ॥
 পুত্রের বিরোগ শুনি সেহ জ্বব হয় ॥
 কিন্তু শাহ নিরুৎসাহ না হইল তার ।
 মার মার শক মুখে বধা তথা ধার ॥

পাখিনী উপাখ্যান ।

প্রভাত হইল নিশা উদিত তপন ।
 হুই দলে শ্রান্ত হেতু কান্ত তাহে রণ ॥
 সে সময় স্বভাবের কি ভাব উদয় ।
 চারিদিকে লোহিত বরণ দৃষ্ট হয় ॥
 পূর্বদিকে আরক্তিম অরুণ প্রকাশে ।
 পশ্চিমে দ্বিজেশ যান রোহিনীর পাশে ॥
 সারা নিশা গেল তাঁর নক্ষত্র-সভায় ।
 তাই বুঝি পাণ্ডুবর্ণ সরমের দায় ॥
 অথবা অগ্রজ-মুখ নিরখি অন্তরে ।
 লজ্জাতরে শশধর শান্তোয়াগ ধরে ॥
 উদয়ে উদিত খয়কর দিনকর ।
 মানিনীর মুখ প্রায় ক্রোধে গর গর ॥
 আজ কেন দিনকর প্রথর এমন ।
 কবি কহে বুঝিয়াছি ইহার কারণ ॥
 ভানু-বংশ-অবতংস রাজপুত্রগণ ।
 সেই কুলে কালী দিতে উদ্যত যখন ॥
 এই হেতু উষ্ণ-ছবি রবি মহাশয় ।
 অলক্ত আরক্ত প্রভা প্রভাতসময় ॥
 আকাশে শোণিতছটা শোণিত ভূতলে ।
 শোণিত তটিনী নীরে শোণিত অচলে ॥
 ভয়ানক ভাবের হইল আবির্ভাব ।
 রৌদ্র রস সহযোগে প্রবল প্রভাব ।
 এইরূপে কত দিন হইল সময় ।
 দিবা বিভাষরী রণে নাহি অবসর ॥

তথাপিও যবনের না হইল জয় ।
 অভেদ্য দুর্গম দুর্গ, কার সাধ্য লয় ?
 অন্ন হইল গত সমরে সমরে ।
 সন্ধিহাগনের সন্ধি কেহ নাহি করে ॥
 দুর্গমধ্যে হুর্ভিক হইল অতিশয় ।
 খাদ্যক্রম ক্রমে ক্রমে শেষ সমুদয় ॥
 অনাহারে প্রাণ ত্যজে কত নর নারী ।
 ঘোড়াশালে ষ্টেটক মরিল সারি সারি ॥
 মাভদ মরিল কত আহার অভাবে ।
 জন্মিল মরক তার দুর্গক প্রভাবে ॥
 কিলি বিলি করে কীট যেখানে সেখানে
 অহি-চন্দ্র-সার সবে পতিত শ্মশানে ॥
 পুতিগন্ধে মহানন্দে ফেরপাল ফিরে ।
 অগণন গৃধ্রগণ রাহে সব ঘিরে ॥
 পাখার সাপট মারি শকুনিরা ধার ।
 কুকুরে ভাড়ায়ে দিবে মেদ মাংস খার ॥
 হইল নরের খাদ্য তুণ পত্র বুল ।
 শ্মশান হইল সব সরোবর-কুল ॥
 ভীমসিংহ মহীপতি হেরি এ সকল ।
 প্রকার দুঃখেতে মন হইল বিকল ॥
 সন্ধির উদ্দেশে কত করেন কল্পনা ।
 সহিত সচিবদল বিবিধ যন্ত্রণা ॥
 ওদিকে যবন-সৈন্তে হৈল মহামারী ।
 কেহ নহে কারো বস্ত্র সব খেচাচারী ॥

পদ্মিনী উপাখ্যান ।

পদ্মপালমত সৈন্ত পালে পালে গিয়ে ।
 শত্রুক্ষেত্র গ্রাম আদি আসে বিনাশিয়ে ॥
 বাহা পার তাহা খায়, লুটে সব লয় ।
 পলায় সকল লোক ত্যজিয়ে আশয় ॥
 ছয় মাসাবধি কৃষিকার্য নাহি হয় ।
 মরুভূমি প্রায় হইল যত ক্ষেত্রচয় ॥
 ষাট বাটী, জঙ্গলে পুরিল একেবারে ।
 না মিলে তুলু-কণা হাটে কি বাজারে
 বথা তথা মরে সেনা হাজার হাজার ।
 নিরখি অস্থির চিত্ত যবন-রাজার ॥
 মনে ভাবে দূর হোক মিছে করি রণ ।
 বিপদ ঘটিল এক অারীর কারণ ॥
 মজিলাম কালকূপে রূপ শুনে যার ।
 একবার দেখা চাই সে রূপ তাহার ॥
 আসার আশার এল লাভ হলে বাঁচি ।
 ইহার অধিক মিছে মনে মনে আঁচি ॥
 নাহি চাহি রত্ন ভার, চিতোরের দেশ ।
 দেখিব সে মোহিনীরে, এই ধাৰ্য্য শেষ ॥
 এত ভাবি পত্র লিখি দূত পাঠাইল ।
 সন্ধির পতাকা শুভ্র, গগনে উঠিল ॥
 দূত আগমনে দ্বারী রাজারে জানায় ।
 পত্র লয়ে বিদায় দিলেন তারে যায় ॥
 পত্র পাঠে ক্ষত্রপতি বিগ্ণ অলিত ।
 ঘন বহে দীর্ঘশ্বাস চিত্ত চপলিত ॥

ভাবিছেন হায় প্রাণ থাকিতে শরীরে ।
 যবনেরে কেমনে দেখাব পদ্মিনীরে ?
 ধিক্ মম বাহুবলে ! ধিক্ এ জীবনে !
 ধিক্ ক্ষত্রকূলে জন্ম ! ধিক্ রাজ্য-ধনে ॥
 অনাহারে দুর্গমধ্যে যায় যাক্ প্রাণ ।
 মরুক সকল সৈন্ত ক্ষত্রিয়-সন্তান ॥
 এত অপমান সহ না হবে কখন ।
 না দেখাব পদ্মিনীরে থাকিতে জীবন ॥
 সাধ্বী সতী পতিব্রতা অতি গুণবতী ।
 এ কথা তাহারে কবে কোন মুঢ়মতি ?
 এত ভাবি স্নানমুখে সজল-নয়নে ।
 ধীরে ধীরে যান রাজা পদ্মিনী-সদনে ॥
 একবার অগ্রসর, পুনঃ যান ফিরে ।
 করাঘাত কাতরে করেন কভু শিরে ॥
 হেন কালে পদ্মিনীর প্রিয় সহচরী ।
 চিত্তরেখা নাম তার শ্রেয়সী কিঙ্করী ॥
 দূরে থেকে নৃপতির করি নিরীক্ষণ ।
 কহিলেক মহিষী সমীপে বিবরণ ॥
 শুনি সতী চলিলেন চঞ্চল-চরণে ।
 কুরঙ্গিনী ধায় যথা কুরঙ্গ দর্শনে ॥

রাজদম্পতীর কথোপকথন ।

আসি ধীরে ধীরে,

নিরখি পতিরে,

নেত্রনীর পদ্মিনীর ।

ধনী-কণ্ঠহারে, নিরখি তাহারে,
চোরের লালসা হর ॥

কি কব অধিক, ধিক্ প্রাণে ধিক্,
শুন ওহে প্রাণাধিক !

ধিক্ এ জীবনে, ধিক্ সে যৌবনে,
রূপে গুণে ধিক্ ধিক্ !

ধিক্ বিধাতার, কেন বা আমার,
করিল লাভণ্যবতী ?

দরিদ্রের দারা, কুরূপা ধারার,
আমা চেয়ে সুখী অতি ॥”

এইরূপে রাণী, খেদে কন বাণী,
পদ্যগাণি হানি শিরে ।

শুনি নৃপমণি, অধৈর্য্য অমনি,
অতিযুক্ত অশ্রুনারে ॥

বাহু প্রসারিয়া, আলিঙ্গন দিয়া,
রাণীরে লইয়া কোলে ।

অধর ধরিয়া, আদর করিয়া,
কহেন মধুর বোলে ॥

“কেন হে শ্রেয়সি, রূপসী-শ্রেয়সি,
আপনার অশ্রুযোগ ।

কিবা দোষ তব ? কথা অসম্ভব,
মম ভাগ্যে কৰ্ম্মভোগ ॥

পাইলে রতন, করিয়ে বতন,
কেহ সুখে কাল হরে ।

তার সেনাকুল, হরেছে আকুল,
 তাহারি লিপিতে কহে ॥
 অতএব রায়, দর্পণে আমার,
 হেরিতে সন্মত হবে ।
 শক্র-হন্তে শেষ, মুক্ত হবে দেশ,
 কুবব না হবে ভবে ॥”
 গুনিরে ভূপতি, হুবুক্তি ভারতী,
 মানস প্রকুল অতি ।
 পত্র লিখি রায়, পাঠান যথায়,
 পাঠান চঞ্চলমতি ॥

পদ্মিনী প্রদর্শন ।

দিল্লীপতি যবন ভূপাল,
 আজ্ তার প্রসন্ন কপাল ।
 হুপ্রভাত শুভক্ষণে, সহিত অমাত্যগণে,
 পত্রপাঠে আনন্দ বিশাল ॥
 মোহিবারে মোহিনীর মন,
 কত মত সজ্জা সুশোভন ।
 করিতেছে নানা অঙ্গে, কতরূপ রাগ রঙ্গে,
 ভাবভঙ্গে রমণীমোহন ।
 চাক সেরূপেচ শিরোপর,
 উর্কে তার হুলিতেছে পর ।
 নানারূপ রঙ্গ তার, নিরমল প্রতিভার,
 বলমল করে নিরঙর ॥

পদ্মিনী উপাখ্যান ।

গজমুক্তা ফলে কোন স্থলে,
সূর্য্যকাস্ত-মণি শ্রেণী জলে ।

কোথায় বৈদূর্য্য-ভাতি, কোথা হীরকের পাতি,
ভালু প্রভা হরে প্রভা ছলে ॥
কবিত কাঞ্চনে সুরচিত,
নানা রত্নরাজীতে খচিত ।

কবচ শরীরে অঁটা, কটিবন্ধ হীরা কাটা,
কটিতটে কিবা বিরচিত ॥
জঘন্য নগণ্য বামা-কুলে,
মণির ছটার যায় ভুলে ।

পদ্মিনী সূশীলা সত্য, পতিব্রতা গুণ্যবতী,
অকলঙ্ক শশী কলিকুলে ॥
অতি ধন মনে মনে গণি,
পতিরূপ ধনে ধনী ধনী ।

অন্ত ধনে তুচ্ছ ভাব, পতিরূপ আবির্ভাব,
হৃদয়-গগনে দিনমণি ॥
জ্ঞানহীন যবন-কুমার,
এমন অবোধ কোথা আর ?

মেথাইরে রত্নাবলী, পদ্মিনীর মন টলি,
হরিবাহে বাসনা সঞ্চার ॥
হেথা ভীষসিংহ মহারাজ,
বার দিবে অমাত্য সমাজ ।

মন্ত্রণা একরূপ ভাবে, কিরূপে যন্ত্রণা যাবে
কিরূপেতে রক্ষা পাবে লাজ ॥

কোন স্থানে গিয়ে কি প্রকারে,
শক্রর শিবিরে কি আগারে ।

সহ সব সহচরে, দেখাবেন দিলীপরে,
সঙ্গে লয়ে নিজ বনিতারে ॥
অবশেষে এই স্থির হুঁ, প্রকাশ্যে দেখান যোগ্য নয় ।

বিহিত নিভৃত স্থল, না থাকিবে সৈন্যদল,
থাকিলেন নরপতিহর ॥
নয়নেতে না হইবে লক্ষ,
উভয় দলের সেনাপক্ষ ।

আয়ুধ-বিহীন রবে না লঙ্ঘিবে সীমা সবে,
পদাতিক কিবা সেনাধ্যক্ষ ॥
চিতোর গড়ের ছয় দ্বার,
মধ্যে মধ্য পরিখা বিস্তার ।

তার মধ্যে মধ্যে গাড়, বস্ত্রের কাণ্ডার পড়ে,
কি বর্ণিব ত হার বাহার ॥
স্থানে স্থানে হীরক বলকে,
ভালুকরে পলকে পলকে ।

মণিময় চন্দ্রাতপ, জলে রত্ন দপসপ,
যেন মেঘে দামিনী দলকে ॥
চারি ধারে গজমুকুতার,
বলরেতে শোভা চমৎকার ।

ভিতরেতে হুই থণ্ড, সুবর্ণ-মণ্ডিত দণ্ড,
স্থানে স্থানে সুশোভিত তার ॥

পাণ্ডিনী উপাখ্যান ।

যেখানে পাণ্ডিনী পৌর্ণমাসী,
প্রকাশিতা হইবেন আসি ।

সেই স্থান এইরূপ, রচনা করেন ভূপ,
বিহিত গোপন অভিলাষী ॥
ঔপ্তরবে কামিনীর কায়া,
দৃষ্টমাত্র হবে তাঁর ছায়া ।

সহচরী-তারা-মাঝে, অকলঙ্ক শশী সাজে,
উদিতা হবেন নৃপজায়া ॥
সমাগত হইলে সময়,
দিল্লীপতি হইল উদয় ।

অগ্রসর হয়ে রায়, আলিঙ্গিয়ে বাদশায়,
লয়ে ধান করিয়া বিনয় ॥
অনন্তর যবন-ঈশ্বর,
প্রবেশিয়ে কাণ্ডার-ভিতর ।

কল্পিলেক নিরীক্ষণ, তিন দিকে আচ্ছাদন,
একদিকে মুকুট সুন্দর ॥
দর্পণের চাক আবরণ,
ভীমসিংহ করেন মোচন ।

হইল মাহেন্দ্রক্ষণ, অস্থির শাহার মন,
সচকিত হইল লোচন ॥
করিতেছে ছায়া দরশন,
যেন সব যারার রচন ।

কাঁচেতে কাকন কাতি, চিত্ররূপে হয় ভ্রান্তি,
মোহিনী মুরতি বিমোহন ॥

কভু ভাবে এমন কি হয়,
চিত্র চক্ষে পলক উদয় ?

নয়নে চাকলা আছে, কমলে খঞ্জন নাচে,
বিদ্যায় অশন আশয় ॥
সরোজকে হেরিলে খঞ্জন,
অধিপতি হয় সেই জন ।

নৃপ হুে দেখে যেই, কি লাভ করিবে সেই,
ভেবে দেখে হে ভাবুকগণ ॥
কটুতর কটাক্ষের জোর,
গরিমা মাদক রসে ভোর ।

যেন আছতির গাত্র, সন্নিধান পাবা যাত্র,
অনল জ্বলিয়ে উঠে ঘোর ॥
পরক্ষণে হেন জ্ঞান হয়,
যেন চক্ষে ঘণার উদয় ।

বিষম অধর ভঙ্গে, যেন যব যবনের সঙ্গে,
কালসর্প বিষ বরিষয় ॥
করি হেন রূপ দরশন,
যবন হইল অচেতন ।

ছায়াতে হরিল জ্ঞান, উড়ু উড়ু করে প্রাণ,
স্বৈদবিন্দু করে ঘন ঘন ॥
একেবারে চকিত স্থগিত,
মহীপতি হইল মোহিত ।

নিপতিত মহীপরে, রাণী যান গৃহান্তরে,
সহচরীগণের সহিত ॥

বলিহারী মদনের বাণ,
কোথা হেন অব্যর্থ সন্ধান ?

যোগেশের যোগ ভঙ্গ, বিজরাজ ক্ষত অঙ্গ,

তৃণতুল্য হয় বলবান ॥

দেখ কি আশ্চর্য্য পঞ্চশর,

ত্রিলোক-বিজয়ী লঙ্কেশ্বর ।

এই শরে জ্ঞানহীন, বীর-দর্প সব ক্ষীণ,

না রহিল বংশে বংশধর ॥

আর দেখ দেব পুরন্দর,

অস্ত্র যার বজ্র ভয়ঙ্কর ।

সে বাসব বজ্রধরে, অতনুর কুলশরে,

করে ছিল পশুর সোসর ॥

এই যে দিল্লীর অধিপতি,

বিক্রম-কেশরী মহামতি ।

হেরি রূপ প্রতিকূপ, মোহিত হইল ভূপ,

ধনু ধনু পশু রতিপতি !

না জানি কি হইত তাহার,

নিরখিলে প্রকৃত আকার ।

মুগ্ধ হয়ে রূপ রসে, পঞ্চশরে পরবশে,

করিত জীবন পরিহার ॥

ভীমসিংহ ছই করে ধরি,

শাহরে তোলেন শীঘ্র করি ।

জাল লাভে অচিরাত পুনরায় দৃষ্টিপাত,

করিলেক মুকুর উপরি ॥

শূন্য হেরি মোহন মুকুর,

উদাসে পুরিল চিত্তপুর ।

বলে “হার কোথা গেলে ? বিরহ-অনল জ্বলে,

দহিলে হে মানস বিধুর ॥”

এইরূপে হস্তিনার পতি,

বিহ্বল অতনু-শরে অতি ।

ভীমসিংহে লয়ে সঙ্গে,

শিবিরেতে মোহ ভঙ্গে,

ধীরে ধীরে করিলেক গতি ॥

সরল সুশীলমতি রায়,

অবিখ্যাস নাহি মাত্র তার ।

হৃদয়েতে নাহি ভীতি,

রক্ষা হেতু রাজনীতি,

চলিলেন শক্রর সভায় ॥

ভীমসিংহের বন্ধনদশা ।

দারুণ ছনীত ছষ্ট ছরাত্মা দম্বজ ।

সাধে যবনেরে হিন্দু না বলে মম্বজ ?

অধার্মিক বিশ্বাসঘাতক ছরাত্মার ।

সকল জাতির প্রতি ঘোর অহঙ্কার ॥

কপট লম্পট শঠ পাতকে পুলক ।

ন্যায্যন্যায় বোধহীন বিষয় বঞ্চক ।

সরল সুধীর হিন্দু রূপ-চুড়ামণি ।

শান্তি হেতু দেখালেন আপন রমণী ॥

রাধিবারে রাজনীতি আইলেন সঙ্গে ।

সন্ধি অভিলাষে ভাসে আহ্লাদ-তরঙ্গে ॥

ছরস্ত পাঠানপতি পেয়ে তাঁরে করে ।
 সেইরূপে কারাগারে লয়ে বন্ধ করে ॥
 ব্যঙ্গচ্ছলে ঢলে ঢলে কহিছে বচন ।
 “এখনো পদ্মিনী আনি দাও হে রাজন ॥
 যদি তারে নাহি পাই করিলাম পণ ।
 সকলের আগে তব বধিব জীবন ॥
 পরে বিনাশিব সব কাল-বেশ ধরি ।
 চিতোর করিব চূর্ণ গোলাবৃষ্টি করি ॥
 ভৃগুরাম-কৃত যথা ক্ষত্রিয়-নিধন ।
 রাজপুত্র-কুলে না রাখিব এক জন ॥
 পশ্চাতে পদ্মিনী হরি করিব প্রস্থান ।
 দেখিব তখন কেটা করিবেক আণ ?
 ছাড়াইব হিন্দুরানী ব্রত পূজা বাগ ।
 ইমানে আনিয়ে তার বাড়াব সোহাগ ॥
 তার ছায়া হরিয়াছে মম প্রাণ মন ।
 প্রণয়-শৃঙ্খলে তার বাধিব চরণ ॥
 হৃদয়-মাঝারে যারে সতত ধিয়াই ।
 হৃদয় উপরে তারে বসাইতে চাই ॥
 কে আছে আমার সম ভুবন-ভিতর ?
 আমি তার প্রেমা হয়ে যোগাইব কর ॥
 দিবানিশি পূজিব প্রণয় উপহারে ।
 দেখি কে আমার এই প্রতিজ্ঞা নিবारे ?
 অতএব বৃথা কেন বাড়াইবে গোল ।
 পদ্মিনীরে এনে দাও রাখ মম বোল ॥

সব দিক্ রক্ষণ পাবে হইবে মঙ্গল ।
 একেবারে নিবে যাবে সমর অনল ॥
 তোমার সহায় আমি রব চিরকাল ।
 ক্ষত্রমাঝে তব তেজ বাড়িবে বিশাল ॥
 যদি তব জাতি মারে কোন রাজপুত ।
 আমি তারে তখনি করিব জাতিচ্যুত ॥
 যদি কেহ তুচ্ছভানে ভাবে হে তোমায় ।
 ছারেখারে দিব তারে রাজপুতনায় ॥”
 যবনের রক্যে শুনি ভীমসিংহ রায় ॥
 ক্রোধে, ভয়ে, লাজে, খেদে, থর থর কার ॥
 অভিমানে অশ্রু আসি প্রকাশিতে চায় ।
 লজ্জা আর ক্রোধ গিয়ে রুদ্ধ করে তায় ॥
 রাগের লোহিত রাগ উদিত নয়নে ।
 অনল-প্রভাবে জল থাকিবে কেমনে ?
 অশ্রুপথ অবরুদ্ধ, শ্বেদধারা বয় ।
 অশ্রু ঘন শ্বেদ-রূপে হইল উদয় ॥
 শীতার্ভের প্রায় ঘন কাঁপে কলেবর ।
 নয়নেতে জলে কিন্তু কুশাগু প্রথর ॥
 যথা উচ্চ গিরিবরে শোভা মনোহর ।
 নীচে হয় হিমবৃষ্টি উর্ধ্বে ভাঙ্গুকর ॥
 অথবা আগ্নেয়গিরি স্বরূপ লক্ষণ ।
 উপরে পাবক নিয়ে হিম-বরিষণ ॥
 ক্রমে ক্রমে সে অনল হইলে প্রবল
 সঘনে চকল করে অচল অচল

পদ্মিনী উপাখ্যান ।

উগরর অবশেষ অগ্নি রাশি রাশি ।
 একেবারে সমুদায় যায় তার নাশি ॥
 সেক্রমে নৃপতি বর্ষে বাক্য হতাশন ।
 স্তম্ভ-প্রায় হইল সভাস্থ সর্বজন ॥
 ক্ষত্রিয়ের ক্রোধানল অতি থরতর ।
 বলে "ধিক্ ওরে ছুট যবন পামর ॥
 এই কি যোদ্ধার ধর্ম রে রে দুরাচার ?
 এই কি রে রাজনীতি ভদ্র-ব্যবহার ?
 এই কি পৌরুষ তোর পুরুষ হইয়া ?
 বাদশাহী অধর্মের আশ্রয় লইয়া ?
 এই কি কোরাণে তোর লিখেছে ঈশ্বর ?
 নিপট লম্পট রীতি কুনীতি আকর ॥
 যায় যাক্ ছার প্রাণ, নাহি তাহে ভয় ।
 দেখি কোন্ সাচ্চা বাচ্চা পদ্মিনীরে লয় ?
 যায় যাক্ রাজ্য ধন, যায় যাক্ দেশ ।
 যায় যাক্ বংশ, ক্ষত্রিয়কুল হোক্ শেষ ॥
 কোন মতে পদ্মিনীরে না পারিবি নিতে ।
 কার সাধ্য অকলঙ্ক কুলে কালী দিতে ?
 আর কি কহিব তোরে ওরে ছুটমতি ।
 তোর চেয়ে ক্ষত্রনারী হয় বীর্যবতী ॥
 আমি যদি মরি তবে দেখিস্ তখন ।
 ভাল শিক্ষা দিবে তারা করি ঘোর রণ ॥
 সমরে ত্যজিয়ে প্রাণ যাবে স্বর্গপুর ।
 তাহাতে হইবে তোর ঘোর দর্শ চুর ॥

কুকুর হইয়া কর যজ্ঞস্থিতে আশা ?
 অসুরকুলেতে জন্মি সুখার পিপাসা ?
 খদ্যোত উদ্যত হারি ভারুপ্রভা ধরে ।
 গোম্পদ আম্পদ কভু হয় রত্নাকরে ?
 দৈত্যদলদলনার্থ দেবীর ছলনা ।
 বিক্র্যাচলে হইলেন নবীনা ললনা ॥
 দূতমুখে শুনি তাঁর রূপের ব্যাখ্যান ।
 হরিবারে দৈত্যানাথ হইল অজ্ঞান ॥
 মরিল সবংশে শেষ চামুণ্ডার করে ।
 সেইরূপ রে ছুরায়া যাবি যমঘরে ॥
 দেবী-অংশে অবতীর্ণা পদ্মিনী আমার ।
 যবন দানবকুল করিতে সংহার ॥”
 এইরূপে ভীমসিংহ করিলে উত্তর ।
 একেবারে কুলে উঠে দিল্লীর ঈশ্বর ॥
 সহস্র ভুঞ্জয় যেন শরীর দংশিল ।
 কিংবা কোটি করবাল হৃদে প্রবেশিল ॥
 দাবানল প্রজ্বলিত নয়ন-কাননে ।
 ভয়ানক ভাবোদয় হইল আননে ॥
 বদনে না ক্ষুরে বাক্য ওষ্ঠাধর কাণে ।
 রসনা অনল-শিখা ক্রোধানল তাপে ॥
 নীরস হইল কণ্ঠ স্বর নাহি সরে ।
 কটমট বিকট দশনে শব্দ করে ॥
 ক্রণ পরে কহে ঘোর গর্জিত বচনে ।
 “ওরে রাজপুত্র কৃত বাসনা মরণে ॥

তোর কটুত্তরে মোর নাহি কিছু ক্ষতি ।
 কিন্তু তোর কোনরূপে নাহি অব্যাহতি ॥
 ভাল কহিলাম ছুঁই বুঝিলি বিরূপ ।
 তার ফল হাতে হাতে ফলিবে স্বরূপ ॥
 আমারে করিলি নিন্দা তাহে নাহি খেদ
 কোরাণের নিন্দা শুনি হয় বক্ষোভেদ ॥
 সয়তানী বেদমন্ত্র বিনাশিব তুর্ণ ।
 তোর একলিঙ্গ শিবে করিব রে চূর্ণ ॥
 গুঁড়া করি ছড়াইব মসজীদের দ্বারে ।
 দেখিব সয়তান বাচ্ছা কি করিতে পারে ।
 এইক্ষণে মম বাক্য শুন সর্বজন ।
 এখনি ছুঁইরে লয়ে করহ বন্ধন ॥
 পদ্মিনী না আসে যদি সপ্তাহ ভিতরে ।
 নিশ্চয় ইহার প্রাণ লইব সত্তরে ॥
 সত্য সত্য কোরাণ পরশি দিব্য করি ।
 ভূমিসাৎ ক'রে যাব চিতোর নগরী ॥
 হিন্দু দেব-দেবী আর হিন্দু নারীগণ ।
 ভ্রষ্ট করিবেক মম ক্রোধ-হতাশন ॥”
 আজ্ঞামাত্র প্রহরী পবন বেগে ধায় ।
 লৌহ-নিগড়েতে বন্ধ করিল রাজায় ॥
 বেঁধে লয়ে কারাগারে করিল আটক ।
 শূকর-শালায় যথা পতিত হাটক ॥
 দণ্ডে দণ্ডে দণ্ডধর করে দণ্ডাঘাত ।
 বচিয়া কোমল তরু হয় রক্তপাত ॥

ধুলার ধূসর দেহ রুধিরাক্ত তার ।
 ভয়ে আচ্ছাদিত অধি সম শোভা পায় ॥
 মধ্যে মধ্যে ভয় ভেদি প্রকাশিত ছটা ।
 ভয়ে কি ঢাকিতে পারে অনলের ঘট ?
 এখানে সংবাদ বার চিতোরের গড়ে ।
 শুনি কথা স্বর্ণলতা আছাড়িয়া পড়ে ॥

রাণীর আর্তনাদ ।

—

“কোথা হে প্রাণের পতি, রহিলে এখন ?
 কি হবে আমার গতি, কে করে রক্ষণ ?
 কি হেতু বিপক্ষ-পুরে, করিলে গমন ?
 কেন দেখালে মুকুরে, দাসীর বদন ?
 তোমার কি দোষ নাথ, ছিল না মনন ।
 আমা হতে এ উৎপাত, হইল ঘটন ॥
 কেন কহিলাম হার ! এমন বচন ?
 দর্পণে আমার রায়, দেখুক দুর্জন ॥
 ধর্মভয়-হীন হেন, পাণিষ্ঠ যবন ।
 তাহারে বিশ্বাস কেন, করিলে রাজন ?
 ভাল গেলে করিবারে, শিষ্ট আলাপন ।
 বন্ধ হলে কারাগারে, ওহে প্রাণধন ॥
 মনে হয় চিত্তানলে, ত্যজিতে জীবন ।
 নিবাহিতে চিত্তানলে, পারে কি দহন ?

পদ্মিনী উপাখ্যান ।

প্রাণ ত্যজিয়াছে দাসী, করিলে শ্রবণ ।
তখনি হরে উদাসী, ত্যজিবে জীবন ॥
তোমার এ হুঃখ ভাবি, হির নহে মন ।
মরণে অনিচ্ছা ভাবি, করিলে মরণ ॥
কি করিব কোথা যাব, চিন্তা অসুক্ষণ ।
কেমনে নিস্তার পাব, না দেখি লক্ষণ ॥
তোমা ভিন্ন শূন্যময়, নিরখি ভুবন ।
তমোপূর্ণ সমুদয়, তুমি হে তপন ॥
এসো নাথ অন্ধকার, হয়েছে লোচন ।
দীপ্তিহীন হে আমার, হয়েছে লোচন”
এইরূপে রাজদারা, করেন রোদন ।
অবিরত অশ্রুধারা, বরিষে নয়ন ॥
দীর্ঘশ্বাস সমীরণ, ঘন প্রবহন ।
শিরে করাঘাত শ্বন, বজ্র বিঘোষণ ॥
ললাটেতে বার বার, প্রহারে কঙ্কণ ।
রণংকার ধ্বনি তার, শব্দ ঝন ঝন ॥
তাহে ক্রোধের ধার, হতেছে পতন ।
যেন বিজলীর হার, দেয় দরশন ॥
আলুপিত চাক্বেণী, কবরী-বন্দন ।
কিবা ঘন ঘন শ্রেণী, ছাইল গগন ॥
কতু যেন পাগলিনী, করেন ভ্রমণ ।
যথা ভ্রমে কুরঙ্গিনী, দাবদধ্ব বন ।
ধূলার ধূসর তরু, নিন্দিয়া কাঞ্চন ।
প্রত্যাতকালের তারু, মেঘে আচ্ছাদন ।

পরিপূর্ণ শোক-ধরে, নৃপ-নিকেতন ।
চারিদিকে খেদ করে, সহচরীগণ ॥

ধৈর্য্য ধারণ ।

ধীরা ধর্মবতী যেই, তাহার লক্ষণ এই,
ধৈর্য্য ধরে বিপদসময় ।
পদ্মিনী সুধীরা সতী, নিরুপমা গুণবতী,
হইলেন সুস্থির-হৃদয় ॥

রাজার বিপদ শুনি, অন্তরে প্রমাদ গণি,
কিছুকাল শোকাচ্ছন্নমনা ।
নীরদ বিগভে রবি, যেরূপ প্রথর ছবি,
সেইরূপ নৃপতি-ললনা ॥

বিষাদ বারিদ-রাশি, হৃদয় ঘেরিল আসি,
বনাচ্ছন্ন মানস তপন ।

অশ্রুপথে হলে বৃষ্টি, হৃদয়ে সাহস সৃষ্টি,
আর তানু থাকে কি গোপন ?

কত্রিয় কুলজা বালী, মানমদে মাতালা,
উগ্রতর মনোবৃত্তিচর ।

বারেক ভাবেন মনে, “সঙ্গে লয়ে সেনাগণে,
রণক্ষেত্রে হইব উদয় ॥

করি শত্রু জীবনান্ত, উদ্ধারিব প্রাণকান্ত,
কত্রকুলে রাখিব মহিমা ।

যথা রঘুপতি-প্রিয়া, শতকঙ্কে বিনাশিয়া,
প্রকাশিলা অসীমা গরিমা ॥”

আবার ভাবেন রাণী, কিবা হয় নাহি জানি,
কপালেতে কি আছে লিখন ?

যবনে বিশ্বাস নাই, বাহা ভাবি ঘটে তাই,
পাছে ভূপ হারান জীবন ॥

পরিহরি কুললজ্জা, ধরিব সমরসজ্জা,
ইহা গুনি শক্র হরাশয়।

ক্রোধভরে মত্ত হয়ে, যদি প্রাণনাথে লয়ে,
বধে প্রাণ নিদয়-হৃদয় ॥

এ সংবাদে হয়ে কুল্ল, আমি হব শক্তি-শূল,
ভয়ে পলাইয়ে সেনাকুল।

পড়িব যবন-হাতে, হুঁই কুল যাবে তাতে,
কুরব রোরবে যবে কুল ॥

অতএব ছলক্রমে, উদ্ধারিবে প্রিয়তমে,
পরে বৈরি বিনাশ মন্ত্রণা।

যেমন দেখিছে রঙ্গ, হয় শক্র ছত্রভঙ্গ,
তবে ঘুচে মনের যন্ত্রণা ॥”

এরূপে প্রবোধ ধরি, বার দিলে কুশোদরী,
বসিলেন বাহির দেওয়ানে ॥

উদ্দেশিরা দিল্লীখরে, লিপিকরে লিপি করে,
মন্ত্রিগণ আদেশ প্রমাণে ॥

“পতিবিনা হীনগতি, শ্রীমতী পদ্মিনী সতী,
হইবেন আজ্ঞাধীন তব।

যাবেন তোমার কাছে, একমাত্র পণ আছে,
যেন তাঁর থাকে হে গৌরব ॥

জীবন সার্থক হয় হেরিলে যাহারে ।
 রাজ-পাটে পাটরাণী করিব তাহারে ॥
 দর্পণে হেরিলে যারে অস্থির হৃদয় ।
 প্রত্যক্ষ করিব তারে একি ভাগ্যোদয় ?
 ভীমসিংহে বাড়াইব ভারত ভিতর ।
 প্রধান হইবে সেই সবার উপর ॥”
 এত ভাবি চলে শাহ হেরিতে রাজারে ।
 যথা ভীম বন্দীপ্রায় বন্ধ কারাগারে ॥
 শাহ বলে, “ওহে রাজ বৃথা ভাব আর ।
 ক্রমা কর, পরিহর মনোহুঃখতার ॥
 যে পদ্মিনী হেতু আমি ত্যজি দিল্লীপুর ।
 আপনি সংগ্রামে রক্ত আসি এত দূর ॥
 যে পদ্মিনী হেতু কত শত জীব হত ।
 যে পদ্মিনী হেতু তুমি হুঃখ পাও কত ॥
 যে পদ্মিনী রূপে গুণে ধন্য মনীষলে ।
 যে পদ্মিনী পতিব্রতা সতী সবে বলে ॥
 সেই সে পদ্মিনী দেখ লিখেছে আমার ।
 ভজিবে আমার রায়, ভ্যজিবে তোমার ।
 অস্ত্রএব কেন সহ যাতনা কঠোর ?
 যার জন্তে চুরি কর সেই বলে চোর ॥
 অবলা তরল ভূণ তরঙ্গের প্রায় ।
 যেদিকে বাতাস বহে সেই দিকে যায় ॥
 এই দেখ পদ্মিনীর স্বাক্ষর সুন্দর ।
 এই দেখ শত্রুপৃষ্ঠে রঞ্জিত মোহর ॥”

প্রথমতঃ হেঁটমুখে ছিলেন ভূপতি ।
 উপহাস ভাবি মুখে না ছিল ভারতী ॥
 কিন্তু শেষ গুনি শব্দ স্বাক্ষর মোহর ।
 পত্র প্রতি কটাক্ষ করেন নৃপবর ॥
 দেখা মাত্র স্বাক্ষর হলেন জ্ঞানহত ।
 নয়নে বিধিল বেন শূল শত শত ॥
 ধরাপতি ধরাশায়ী ছট্‌ফট্‌ প্রাণ ।
 হাশুমুখে বাদশাহ করিল প্রস্থান ॥
 যথা মায়ী-জায়া হত্যা দেখি রঘুবর ।
 মায়ামুগ্ধ হয়ে পড়িলেন ধরাপর ॥
 নিরখিয়া নিশাচরে আনন্দ অপার ।
 আনন্দ মঙ্গল-বাণ্য করে বার বার ॥
 সেইরূপ আলাদীন আহ্লাদে অস্থির ।
 লতাজী-লাভ-ভাবে লোমাঞ্চ শরীর ॥
 নিজ হস্তে পদ্মিনীর লিখে পত্রোত্তর ।
 “ধরনী-ঈশ্বরী-পদে প্রণাম বিস্তর ॥
 দয়া-দানে দাস প্রতি দিয়াছ যে আশা ।
 তাহে মাত্র মম প্রাণ বিহঙ্গের বাসা ॥
 আমি তব আজ্ঞাধীন জান হে নিশ্চর ।
 কি সাধ্য করিব তব অজ্ঞা বিপর্যয় ॥
 এ দীন সেবক তব তুমি হে ঈশ্বরী ।
 তব মান বাড়াইব কি সাধ্য সুন্দরি ?”
 এইরূপে পত্র লিখি পাঠাইল শাহ ।
 পাঠ করি পদ্মিনীর বাড়িল উৎসাহ ॥

পদ্মিনী উপখ্যান ।

প্রাণনাথে উদ্ধার করিব শত্রু-হাতে ।
আর না বিচ্ছেদ হবে এবার সাক্ষাতে ॥
এত ভাবি পুনর্বার বার দিয়ে রাণী ।
ডাক দিয়ে আনিলেন প্রধান সেনানী ॥
গোপনেতে পরামর্শ করিলেন ছিন্ন ।
দাসীরূপে সাজিবেক যত সব বীর ॥
শিবিকারোহণে যাবে শিবিকা লইয়া ।
পদাভিকগণে
প্রতি যানে অস্ত্রশস্ত্র থাকিবে প্রচুর ।
সময়েতে শূরত্ব দেখাবে যত শূর ॥

সিংহের পরিভ্রাণ ।

হেথা ভীমসিংহ রায় দেখিয়া স্বাক্ষর ।
কিছুকাল মুচ্ছিত ছিলেন মহীপর ॥
মোহভঙ্গে পুনর্বার বাড়িল যাতনা ।
চক্রে অশ্রু সহ শোভে ক্রোধ-অগ্নিকণা ॥
এ কি বিপরীত ভাব জলে অগ্নি জলে ।
কবি কহে বিজলী চক্রে মেঘদলে ॥
মোহ-মেঘে ক্রোধ সৌদামিনী দেয় দেখা
সেই হেতু জলে জলে অনলের রেখা ॥
ভাবে রায় "হায় হায় কি করি উপায় ।
পদ্মিনী অসতী হয়ে বকিল আশায় ॥

পদ্মিনী উপাখ্যান

এত দিনে শাস্ত্র মিথ্যা হইল নিশ্চয় ।
অবলা সরলা জাতি কোন্ মুঢ় কর ?
প্রতারিতে আমারে তাহার ছিল মনে ।
সেই হেতু বলেছিল দেখাতে দর্পণে ॥
ধিক্ ধিক্ পদ্মিনী ধরিলি মিছে নাম ।
কাল-নিশাচরী সম দেখি তোর কাম ॥
কঠিন হৃদয় তোর কঠোর পাষণ ।
তোর মায়া রাক্ষসীর মায়ার সমান ॥
তোর চেয়ে নিশাচরী রাখে ধর্মভয় ।
হিড়িম্বার পতিভক্তি-কথা সুধাময় ॥
তুই লো নিদ্রা অতি সুর্গনখা সমা ।
মায়ায় মোহিয়ে মন ছিলে মনোরমা ॥”
পুনর্বীর ভাবে মনে “এমন কি হয় ।
আমারে বঞ্চিত যাবে যবন-নিলয় ?
কোন্ দোষে দোষী আমি তাহার নিকটে
কতু নাহি অপরাধী প্রকাশ্য কপটে ॥
লিখেছে প্রথমে আসি দেখিবে আমায় ।
অন্যের মত তাহে লইবে বিদায় ॥
এ কথার ভাব কিছু বুঝিতে না পারি ।
কেন বা আসিবে আর যদি হবে তারি ?
বুঝি বুদ্ধি করি মম মনোবেদনায় ।
একেবারে জ্ঞানশূন্য করিবারে চায় ॥
আমারে করিয়ে ক্ষিপ্ত, লিপ্ত হবে সুখে ।
ক্ষণমাত্র তাপিত না হবে মনোদুঃখে ॥

এমন কি হবে কভু তার অভিপ্রায় ?
 তবে কেন লিখিয়াছে লইবে বিদায় ॥
 বিশেষতঃ লিখিয়াছে করি আবিষ্কার ।
 সঙ্কেতে সহস্র দাসী আসিবে তাহার ॥
 জনেক কি সাধু নাই তাহার ভিতর ?
 একেবারে ধর্ম কি হয়েছে দেশান্তর ?
 অবশু ইহার আছে গুঢ় অভিপ্রায় ।
 মম ত্রাণ হেতু কোন করেছে উপায় ॥
 যে হোক রহিল প্রাণ এই প্রতিজ্ঞায় ।
 পদ্মিনী আসিবে যবে লইতে বিদায় ॥
 ধরিয়ে রাখিব দিবে দৃঢ় আলিঙ্গন ।
 কোন মতে ছাড়িব না থাকিতে জীবন ॥
 তাহে যদি প্রাণ যায় কিবা হুঃখ তায় ?
 জীবন ত্যজিব নিজ রমণীর দায় ॥
 করিব আপন কর্ম যথাধর্ম-নীতি ।
 সে ভুগিবে যোগ্য ফল যার যে প্রকৃতি ॥”
 এখানে পদ্মিনী সতী অন্তরে বিচারি ।
 ধরিলেক সামরিক বেশ মনোহারী ॥
 ছই সঙ্কে প্রলম্বিত যুগ্ম শরাসন ।
 কটিতটে খর তরবার স্ত্রশোভন ॥
 করে ধরিলেন শূল অতি খরণাণ ।
 পৃষ্ঠে বাঁধা আসি চর্ম, বর্ম পরিধান ॥
 ধরণী-চুম্বিত চাক বেণী চিকণিয়া ।
 বিচিত্র কিরীটে বদ্ধ করে বিনাইয়া ॥

হইল অপূর্ব শোভা কি কব বিশেষ ।
 যেন জগদ্ধাত্রী দেবী সমরে প্রবেশ ॥
 ধন্য রাজপুত্র-দেশ বীরত্ব-আশ্রম !
 ধন্য ধন্য রাজপুত্র-বংশ, পরাক্রম !
 যেই বংশে অবতীর্ণ বীর-প্রমু সবে ।
 ধর্ম অমুরাগে মাতে সমর আসবে ॥
 দূরে ফেলি বেষভূষা গন্ধ বিলেপন ।
 দূরে ফেলি বীণার বাদন-বিনোদন ॥
 লাজ ভয় পরিহরি ধরি গ্রহরণ ।
 আরোহি তুরঙ্গোপরি করে ঘোর রণ ॥
 বীণার বাদন চেয়ে তাদের নিকটে ।
 রণবাদ্য সে সমর আনন্দ প্রকটে ॥
 স্বভাবতঃ যাহাদের সদা ভীত মন ।
 ভীকু কুরঙ্গের তুল্য যুগল নয়ন ॥
 কুমুম-চয়নে যারা শ্রান্তিমতী হয় ।
 কোমলা অবলা বলি যাহাদের কয় ॥
 হেন সুকুমারী নারী রণ-রঙ্গে ধায় ।
 অক্ষয় বংশের ধর্ম, কিছুতে কি যায় ?
 ধন্য রাজপুত্র-দারা সাহস সুন্দর !
 কত পুরাবৃত্তে তার ব্যাখ্যা মনোহর ॥
 দেখে যদি সেনাপতি স্বীয় প্রাণেশ্বর ।
 সমরে শত্রুর করে ত্যজে কলেবর ॥
 সে সমরে অশ্রদ্ধা না করে মোক্ষণ ।
 পতি-পদ ধরি করে সেনার চালন ॥

পদ্মিনী উপাখ্যান ।

যদি কেহ পলায় নিস্তার নাহি তার ।
 দলে বলে গিলে করে শত্রুর সংহার ॥
 পতি ঋণ-পরিশোধ-করণে তৎপর ।
 রাজপুত্রনারী তুল্য কে আছে অপর ?
 এইরূপে পদ্মিনী প্রাণেশ-পরিভ্রাণে ।
 চলিলেন শত্রুর শিবির-সন্নিপানে ॥
 আঙ্কা পেয়ে নারীবেশ ধরে সেনাগণ ।
 পুষ্প-কোলে লুকাইল বরটা যেমন ॥
 ভিতরে কবচ আঁটা উপরে ঘাঘরা ।
 উড়ানোতে ঢাকে মুখ বীর-চিহ্ন-ভরা ॥
 রমণী পুরুষ সাজে, পুরুষ রমণী ।
 যাহার কৌশল, ধন্য ধন্য সেই ধনী !
 প্রাণেশ-করে রাণী শিবিকারোহণ ।
 চারিদিকে ছন্নবেশে যত সেনাগণ ॥
 পদ্মিনীর আগমন-সংবাদ পাইয়া ।
 অতি সুখী দিলীপতি, হুরু হুরু হিয়া ॥
 শিবিরে দিচ্ছে ঢেঁড়ি, যত সৈন্যদলে ।
 'আজি সবে রত হও আনন্দ-মঙ্গলে
 পাঠাও নিশান ডকা পদ্মিনী-সম্মুখে
 ক্রটিমাত্র যেন নাহি হয় কোন ক্রমে ॥
 রচহ বিবিধ ফুলে কাটক সুন্দর ।
 ছিটাও সকল পথে গোলাব আতর ॥
 করহ আতস বাজী অশেষ প্রকার ।
 নৃত্য গীত বাদ্য ভাও যা ইচ্ছা যাহার ॥''

এক্ষণে পদ্মিনী-মন মোহিবারে শাহ ।
 সেনার সাগরে ভোলে আনন্দ-প্রবাহ ॥
 হেন কালে মহিষী আসিয়ে উপনীত ।
 চারিদিকে সহস্র শিবিকা সুবেষ্টিত ॥
 প্রহরী সকলে গেল নূপে পরিহরি ।
 পতি-কারাগারে ধীরে প্রবেশে সুন্দরী ॥
 দেখি ভীম, ভীমবেশে ভামিনী রমণী ।
 হইলেন একেবারে বিস্মৃত অমনি ॥
 ভাবিছেন 'কি ভাব প্রভাব পদ্মিনীর ।
 বীরবেশে ঢাকি কেন কোমল শরীর ?
 নিশ্চয় এসেছে মম উদ্ধার কারণ ।
 আমি তারে বৃথা নিন্দিতাম এতক্ষণ ॥"
 এইরূপ নব ভাব মনসে উদয় ।
 মুগ্ধ-প্রতিকূল ভাব পাইল বিলয় ॥
 প্রণত পদ্মিনী সতী পতির চরণে ।
 গলিত সহস্র ধারা রাজার নয়নে ॥
 সাদরে লইয়ে কোলে মৃগলোচনার ।
 তুষ্টিছেন কত মত মধুর কথার ॥
 স্বামী কন "হে রাজনু নাই হে সময় ।
 এ স্থানে তিলেক আর বিলম্ব না কর ॥
 অমুরাগ সোহাগ সময়ে ভাল লাগে ।
 চল নাথ শত্রু-হস্তে মুক্ত করি আগে ॥"
 এত বলি চারুনেত্রী পতিকর ধরি ।
 বেগে ধান শত্রুর শিবির পরিহরি ॥

অদূরেতে সুসজ্জিত ছিল হুই হয় ।
 দম্পতী উঠেন তায় অভয় হৃদয় ॥
 ধরতর তুরঙ্গ ছুটিল তীরপ্রায় ।
 পবনেরে উপহাস করি কিবা ধায় ॥
 যেই অশ্বে ছিলেন ভূপতি গুণধাম ।
 বিখ্যাত কেশর-কেলি সে অশ্বের নাম ॥
 পলকেতে পন্নস্বিনী-পারে যেতে পারে ।
 কলিত কেশর চাকু চামর আকারে ॥
 পদ্মিনীর প্রিয় হয় শ্রীপঞ্চ-কল্যাণ * ।
 বাজীর সমাজে সেই প্রধান শ্রীমান ॥
 অসিত বরণ ঘন দলিত অঞ্জন ।
 কিবা অপরূপ গতি নয়ন-রঞ্জন ॥
 চলিল যুগল অশ্ব দম্পতী লইয়া ।
 প্রভু-পরিভ্রাণে প্রভু প্রফুল্ল হইয়া ॥
 মধ্য দিয়া যায় ঘোড়া, হুই পাশে যান ।
 শক্রর শিবিরে কেহ না পায় সন্ধান ॥
 চপলার প্রায় তেজে প্রবেশে নগরী ।
 পতি সহ পুরী প্রাপ্ত পদ্মিনী সুন্দরী ॥
 রাজগৃহে হয় নানা যত্নলাচরণ ।
 প্রেরিত প্রমথনাথে পূজা আরোজন ॥
 'হর হর হর †' শব্দে পূরিল গগন ।
 গোধন কাঞ্চন দান লভে দ্বিজগণ ॥

* যে অশ্বের পাদ-চতুষ্টয় এবং নাসিকোর্ধ্বভাগ বেতবর্ণ হয়, তাহার নাম পঞ্চ-কল্যাণ ; সেই অশ্ব এতদেশীয় তুরঙ্গ-পরীক্ষকদিগের মতে অতি মূল্যবানক্রান্ত ।

† রাজপুত্রদিগের যুদ্ধবাদ ।

সজ্জিত সকল সৈন্য কত মত সাজে ।

ত্রিপোলিয়া হারোপরি জওবত বাজে ॥

হেথা পাঠানের পতি কাল গৌণ পরে ।

সন্দেহ উদরে, হয়ে অস্থির অন্তরে ॥

চঞ্চল চরণে চলে রাজা ছিল যথা ।

দেখে শূন্যময় গেহ, কেহ নাই তথা ॥

একেবারে উন্নত হইল নরবর ।

ফেন-লালাবৃত মুখ, চক্ষে বৈশ্বানর ॥

যথা অহি-বিবরে করিলে দণ্ডাঘাত ।

গরজিয়ে বিষধর উঠে তৎক্ষণাৎ ॥

অথবা যুগেক্ত, যুগ করিয়া নিপাত ।

আহারের কালে যদি হারায় দৈবাৎ ॥

সেইরূপ ক্রুদ্ধ-চিত্ত দিল্লীর ঈশ্বর ।

থর থর কাঁপিতে লাগিল কলেবর ॥

ঘোর নাদে কহিতেছে “শুন সৈন্যগণ !

আসিয়াছে পদ্মিনীর দাসী যত জন ॥

সকলের জাতি মার যথা স্বেচ্ছাচার ।

পিছে সমুচিত ফল লইব ইহার ॥”

আজ্ঞামাত্র সেনাকূলে আনন্দ বিপুল ।

সদ্মিনী-কূলের কুল খাইতে আকুল ॥

কবি কহে এ ত নহে, নারিকেলী কুল ।

কূলের পাতায় ঢাকা কণ্টকের কুল ॥

যেমন যবন খুলে শিবিকার দ্বার ।

অমনি গরজি উঠে ক্ষত্রিয় হাজার ॥

গান্ধিনী উপাখ্যান ।

মুখ-মধু-আশে কেহ শিবিকায় ঢুকে ।
 ছদ্মবেশী দাসী তার গুলী মারে বুকে ॥
 কেহ আলিঙ্গন-স্থখে অন্বেষণ করে ।
 ধর তরবার-চোটে নিমিষেকে মরে ॥
 কেহ বা ঘোমটা খুলে নিরখিতে মুখ ।
 যেমন ফিরিয়া যায় হইয়া বিমুখ ॥
 অমনি পড়িল গাঁথা বল্লমের ফলে ।
 বাঁধল বিষম যুদ্ধ দুই শত্রুদলে ॥

ঘোরতর যুদ্ধ ।

রণভূমে মহাধূমে উড়িল পতাকা ।
 লোহিত ফলকে তার ভানু-মূর্তি অঁাকা
 নিরন্তর প্রিয়তর রাজন্যের ঠাই ।
 প্রাণ-পণে সযতনে রক্ষা করে তাই ॥
 অকাতরে শত্রু-করে দিবে প্রাণ দান ।
 তথাপিও না ছাড়িবে বংশের নিশান ॥
 যেহি তার দাঁড়াইল যত বীরবর ।
 কল্পতরু বেড়ি যথা অমর-নিকর ॥
 দাড়িমী কুসুম-নিভ, অতি সুমধুরা ।
 এক পাত্রে, পাত্রভেদে কিরিতেছে সুরা
 পানমাত্র কুলগাত্র নব ভাবে টলে ।
 এমনি আশ্চর্য্য ফল সুধাস্বাদে ফলে ॥

মানসে ধিয়ার সবে রণ-ক্ষেত্রে
 পাইবে আনন্দধাম অমর-নগরী ॥
 সুরনারী বিদ্যাধরী অপ্সরা-নিকর ।
 স্বর্গদ্বারে প্রতীক্ষা করিছে নিরন্তর ॥
 জ্ঞানাপী-পুঞ্জের প্রেম প্রাপণ কারণ ।
 পরিতেছে চারু অঙ্গে নানা আভরণ ॥
 এদিকে সমর-সজ্জা হর মহীতলে ।
 ও দিকে বাসকসজ্জা অমরী-মণ্ডলে ॥

একাবলী ।

মুকুট মুড়িছে ধনুক-ধারী ।
 বেণী বিনায়েছে সুরকুমারী ॥
 বাজে বীরঘণ্টা কিরীট-মূলে ।
 কবরী কলিত কর্ণিকা-মূলে ॥
 লৌহময় জালে মুকুট টেড়া ।
 মুকুতার হারে কুন্তল বেড়া ॥
 তরবার শাণে ক্ষত্রিয়গণ ।
 অমরী নরনে পরে অঙ্গন ॥
 গরল বিরাট শর-ফলকে ।
 তিলক ভাবিনী-ভালে ঝলকে ॥
 সাঁজোয়া শোভিছে যতেক শূরে ।
 কাঁচলী কষণ অমরপুরে ॥
 হেথা রাজপুত্র বাঁপিছে ঢাল ।
 হেথায় উন্নত কুচ বিশাল ॥

হেথা বাঘ নখে অঙ্গুলী সাজে ।
 হেথা মণিময় কঙ্কণ বাজে ॥
 বীরগণ করে বল্লম ভাঁজে ।
 বরমালা দেবী-করে বিরাজে ।
 রাজন্যের গলে রুদ্রাক্ষ-মালা ।
 মন্ত্র-হার পরে অমরবালা ॥
 ক্ষত্রিয় দিতেছে ধনুকে গুণ ।
 কামিনী কটাক্ষ-শরে নিপুণ ॥
 তুরঙ্গ সাজায় ক্ষত্রিয়গণ ।
 অপসরা করিছে রথ শোভন ॥
 আসিবে তাহাতে শুরেন্দ্রদল ।
 সুরেন্দ্র-ভবন হবে উজ্জ্বল ॥
 এইরূপ ধ্যান করি মানসে ।
 সমরে সকলে যায় সাহসে ॥
 ধন্য রে ধরমে রতি অপার ।
 তা ভিন্ন এ ভবে আছে কি আর ?

ভূজঙ্গপ্রয়াত ।

মচা ঘোর যুদ্ধে মুসলমান মাতে ।
 দিবা-রাত্রভেদে ক্ষমা নাহি তাতে ॥
 সহস্রেক যোদ্ধা চিতোরের পক্ষে ।
 বিপক্ষের পক্ষে বুঝে লক্ষ লক্ষে ॥
 বহু রক্তধারা বৃন্দেলা শরীরে ।
 হয় স্নাত সেনা ঘন শ্বেদনীরে ॥

গুড়ুম গুম্ গুড়ুম গুম্ মহাশব্দ তোপে ।
 পড়ে সৈন্যঠাটে শরবার কোপে ॥
 গুলী-পূর্ণ বন্দুক সঙ্গীন জাঁকে ।
 হুড়ু হুড়ু হুড়ু হুড়ু হুড়ু হুড়ু হাঁকে ॥
 করে বাত্ম নানা শিঙ্গা ঢোল ঢাকে ।
 রণক্ষেত্র ধূলা রবেলোক ঢাকে ॥
 শনন্ শন্ শনন্ শন্ গুলীবন্দ ছোটে ।
 সিপাহীর বন্ধে শিলাবৃষ্টি ফোটে ॥
 মহা চণ্ড গোলা সদা ধায় বেগে ।
 প্রহারের চোটে সবে যায় ভেগে ॥
 ছুটে মাতোয়াল করিযুথ বেগে ।
 চলে তার উর্দ্ধে বৃহত্তোপ দেগে ॥
 তুরঙ্গে তুরঙ্গী করে ঘোর যুদ্ধ ।
 সহান্বানি ধূমে হলো দৃষ্টি রুদ্ধ ॥
 ধরা শুকে শব্দে মরে জীব তাহে ।
 নদী-বেগ বর্ধিষু রক্ত-প্রবাহে ॥
 শবন্তু প-পার্শ্বে শবাহারি-সঙ্ঘ ।
 মহানন্দ লাভে করে রঙ্গভঙ্গ ॥
 কুতঃ ফেরপালে, পিরে রক্ত-ধারা ।
 অপৰ্য্যাপ্ত ভোজ্যে মনস্তৃপ্ত তারা ॥
 চিতোরের সেনা যুদ্ধে বিক্রমেতে ।
 জনাতাব হেতু প্রভীত ক্রমেতে ॥

বাদশাহের সময়-বিজয় ।

বল বল বলে ধরাতলে,
লোকবল বল মাল বলে ।

সেই বলে যেই বলী, বলবান্ তারে বলি,

যদি বল প্রকাশে কোশলে ॥

ধৈর্য্য বীর্য্য সাহস সখল,

কি করিবে শুদ্ধ এ সকল ?

কত ক্ষণ থাকে ধৈর্য্য, কত ক্ষণ বীর্য্য হৈর্য্য,

কত ক্ষণ শরীরের বল ?

বলাধান প্রধান মাতঙ্গ,

তৃণদল বাঁধে তার অঙ্গ

সুরাসুর একমতে, মন্দর সাগরে মথে,

রজ্জু ধাছে বাহুকি ভুজঙ্গ ॥

একতার হিন্দু-রাজগণ,

সুখেতে ছিলেন অহুক্ষণ ।

সে তার থাকিত যদি, পার হয়ে সিদ্ধ নদী

আসিতে কি পারিত ধবন ?

এখানেতে দিল্লীর সম্রাট,

সঙ্গে অগণিত সৈন্তাট ।

বেন পঙ্গপালদল, ছাইল সকল স্থল,

কিবা মাঠ, কিবা ঘাট বাট ॥

রাজপুত্র-সেনানী হাজার,

পদাতিক চারি গুণ তার ।

শক্রসংখ্যা অগণন, তাহাতে সম্মুখ-রণ,
কতক্ষণ করিবেক আর ?
অরণ-উদয়ে তারাগণ,
একে একে অদৃশ্ত যেমন ।

সেৱণ করিৱগণে, যুদ্ধ করি প্রাণগণে,
ক্রমে ক্রমে পাইল পতন ॥
বিক্রমেতে এক এক বীর,
কত শত কাটি শক্রশির ।

শরাঘাতে ভয়ঙ্কর, শক্তিশূন্য কলেবর,
পরিশেষে পতিত শরীর ॥
চিত্তোরের সেনানী প্রধান,
গোরা নামে খ্যাত মতিমান ।

বিনাশি সহস্র অরি, খর শর-শয্যা করি,
ভীষ্ম প্রায় ভাজিলেন প্রাণ ॥
তাঁর দ্রাতৃপুত্র গুণধর,
দাদশবর্ষীয় বীরবর ।

দাদল তাহার নাম, বীরস্ব ধীরস্ব ধাম,
বুদ্ধ করে অতি ঘোরতর ॥
চপলার প্রায় যথা তথা,
অতি বেগে ধায় মহারথা ।

যেন প্রলয়ের ঝড়ে, অসংখ্য যবন গড়ে,
বিক্রমের কি কহিব কথা ?
সঙ্গে মাত্র নাহি সহচর,
সমর করিছে একেশ্বর ।

নাহি স্থান নিরূপণ, বরিষরে গ্রহরণ,

যথা দেখে বরন-নিকর ॥

নব অহুরাগের অনল,

প্রজ্বলিত মানস-কমল ॥

তুরঙ্গে ভ্রমিত ছোটে, ধর শর অঙ্গে ফোটে,

নহে মাত্র তাহাতে বিকল ॥

হেরি দিল্লীপতি ক্রোধে অলে,

উপনীত হয়ে রণস্থলে ।

মুখে শক "মার মার," বাদলের চারিধার,

ঘেরিল অগণ্য সৈন্যদলে ॥

যথা ব্যাহ রচি সপ্তরথী,

অভিমন্যে বক্র করে তথি ।

সেইরূপ বাদলেরে, ঘেরিলেক কত ফেরে,

রাজপুত্রসেনা সিদ্ধ মথি ॥

বাদলের বারিধারা প্রায়,

পড়ে অস্ত্র বাদলের গায় ।

বর্ষে চর্ষে ঠেকে বাণ, হয়ে শত শত ধান,

অবিরত পড়িছে ধরায় ॥

হেন কালে নিশা আগমন,

অস্তাচলে চলিল তপন ।

তিমিরে পুরিল বিধ, কিছুই না হয় দৃশ,

অস্থির হইল সেনাগণ ॥

একে শরাঘাতে হত বল,

তাহে কুধা ভ্রমায় চঞ্চল ।

সর্বদা কথির করে, ললাটেতে খেদ করে,
কাতর হইল সৈন্তদল ॥

বীর শিশু সাহসে বুঝিয়া,
উপযুক্ত সময় বুঝিয়া ।

জীবনাশা পরিহারি, একদিক লক্ষ্য করি,
আক্রমণ করিল গর্জিয়া ॥

ব্যুহ ভেদ করি শিশু ধার,
তিরিরে অলক্ষ্য তার কার ।

অতিশয় ক্লান্ত-দেহে, যেমন প্রবেশে গেহে,
মুচ্ছাগত অমনি ধরায় ॥

হেরি পুরবাসিনী সকলে,
“হার কি হইল” সবে বলে ।

বাদলের মাতা আসি, ময়নের জলে ভাসি,
ধূলায় লুটায় সেই স্থলে ॥

কতক্ষণ গতে একেকারে,
মোহ ত্যাগ করার তাহারে ।

প্রকাশি নয়নাবুজ, প্রসারিল দুই ভুজ,
জননীক কোলে বাইবারে ॥

জননী অমনি তার, মণি প্রাপ্ত কণীপ্রায়,
কোলে লয় চুবিরে বদনে ।

বলে “ওরে বাছাধন, হেরিব ও চন্দ্রানন,
এমন ছিল না আর মনে ॥

হাঁ রে এ কি অসম্ভব, কাল প্রায় শত্রু সব,
তুই অতি বয়সে শৈশব ।

কেমনে করিলি রণ ? ছরিত্ত যবনগণ,

কালানল প্রাঙ্গ সে আহব ॥

করিপ্রাণ তারা বলী, তুই রে কমলকলি,

সুকোমল ননীৰ পুতলী ।

ভাবিয়াছি এতক্ষণ, বুঝি শুনে বাছাধন,

ফাঁকি দিয়ে গিয়াছ রে'চলি ॥

শরবিক্র দেহময়, ইহা কি রে প্রাণে নয় ?

কধির বহিছে ধীরে ধীরে ।

বিধি কি পাষণ দিয়ে, গঠিল যবন-হিরে ?

ধিক্ ধিক্ ধিক্ যত ধীরে ॥”

প্রবোধিয়ে জননীয়ে, কহিছে বালক ধীরে,

“তব গর্ভে জন্মেছি যখন ।

বিধাতা আমার ভালে, লিখিয়াছে সেই কালে,

আমার ব্যবসা হবে রণ ॥

ধরাধামে ক্ষত্রবংশ, শৌর্য্য-বীৰ্য্য-অকতংস,

তাই প্রিয় জ্ঞান করি তারে ।

শক্র-হস্তে মুক্ত দেশ, যশোলাভ হয় শেষ,

কত গুণ কে কহিতে পারে ?

রণে বেই ত্যজে প্রাণ, ধস্ত সেই গুণাধান,

কেবল কৈবল্য তার স্থান ।

জীবনে মরণে যশ, পশ্বিপূর্ণ দিগ্‌দশ,

কত তার নাহি অবসান ॥”

এইরূপ আলাপনে, প্রহৃতি পুস্ত্রের মনে,

সুখে কাল করেন হরণ

হেনকালে ক্রত-গতি, গোয়ার প্রেমসী সতী,
তথা আসি দিল দর্শন ॥

শ্রাবণের গারাকারা, নয়নে বাহছে ধারা,
পতির সংবাদ জানিবারে ।

বাদলে লইরে কোলে, কহিছে মধুর বোলে,
বিষাধর চুঘি বারে করে ॥

“কহ ওরে বাছাধন, কেমন হইল রণ,
কোথা তোর পিতৃব্য এখন ?

একত্রে ছুড়নে গেলি, একা ঘরে ফিরে এলি;
তিনি কি রে হলেন নিধন ?”

বাদল কছেন মাতা, “আজ নিদারুণ ধাতা,
চিতোরের সর্বনাশ হেতু ।

হারিল সকল গর্ভ, ক্ষত্রকুল হলো খর্ব,
ভাঙ্গিয়াছে বীরত্বের সেতু ॥

কিন্তু পুরাতাত মোর, যেরূপ সংগ্রাম ঘোর,
করিলেন কহিতে ডয়াল ।

সেরূপ বীরত্ব আর, ধরাধামে হওয়া ভার,
খ্যাতি তাঁর রবে চিরকাল ॥

আমি শিশু ক্ষুদ্রমতি, রণ-রীতে অজ্ঞ অতি,
কিছুকাল ছিলাম দোসর ।

আমার বিশদ দেখি, বুঝিলেন একাএকী,
প্রবেশিলে শত্রুর ভিতর ॥

সংগ্রাম হইল ভারি, অসংখ্য বিপক্ষ মারি,
সহস্র আঘাতে জরজর

পদ্মিনী উপাখ্যান ।

শত্রু-শবে শির রাখি, শরজালে অঙ্গ ঢাকি,
কালনিদ্রাগত বীরবর ॥”

পতির নিধনবাক্যে, অশ্রুধারা সরোজাক্ষে,
স্থগিত হইল সেইক্ষণ ।

কাতরা না হয়ে সতী, হৃদয় প্রকুল অতি,
বাদলেগে কহিছে বচন ॥

“কি হেতু বিলম্ব আর ? রাখ ধর্ম-ব্যবহার,
শুন ওরে প্রাণের নন্দন ।

আমার বিলম্বে পতি, হবেন চঞ্চলমতি,
কর শীঘ্র চিতা আরোজন ॥

কিরূপে রে যাছুমণি ! সেই বীর-চূড়ামণি,
শত্রু সহ করিলেন রণ ।

এই কথা শুনিবারে, এতক্ষণ দেহাগারে,
ওরে বাছা রেখেছি জীবন ॥”

এত বলি গৃহে গিয়া, চিতা-সজ্জা সাজাইয়া,
দিবাকরে করিলে প্রণতি ।

প্রদক্ষিণ করি চিতা, অনলে যেমন সীতা,
সাহসে প্রবেশে পুণ্যবতী ॥

পুনর্জন্ম ও দৈববাণী ।

যুদ্ধে যুদ্ধে বহুতর, গতপ্রাণ বীরবর,
অগণিত সেনার নিধন ।

ক্ষীণবল দিল্লীপতি, বহানে করিয়া গতি,
করে পূর্ববৎ আরোজন ॥

পাখিনী উপাখ্যান ।

পরিগতে সংবৎসর, করি পূর্ব আড়বর,

পুনঃ প্রবেশিল রাজ-স্থানে ।

রাজপুত্র বীর বত, সমধিক ভাগ হত,

যুদ্ধ করি বিহিত বিধানে ॥

সে ক্ষতি না হতে পূর্ণ, পুনর্বার আসি তুর্ণ

শত্রু ঘোর ঘিরিল প্রাচীর ।

হেয় হে পথিকবর ! দক্ষিণ শেখরোপর,

যথায় পরিখা সুগভীর ॥

তথায় বুদ্ধজ ডালি, ববন উঠানে চাঙ্গী, *

নগরেতে করিল প্রবেশ ।

ওনি ভীমসিংহ রায় দাবদগ্ন যুগপ্রায়,

নিরাশায় পূর্ণ বক্ষুঃদেশ ॥

শত্রু-সেনা-সিদ্ধ মথি, হত যত মহারণী,

মরিল সাহসী সেনাগণ ।

অহির হলেন নৃপ, অস্তুরেতে শোক-দীপ,

ধরতর জলে অনুক্ষণ ॥

অবিরত চিন্তামলে, হৃদয়-কানন জলে,

দগ্ন তাহে মানস-কুরঙ্গ ।

দিবা নিশি সমতাব, প্রসন্নতা তিরোতাব,

দিন দিন বিমলিন অঙ্গ ॥

সুখা তৃষ্ণা মিত্রা শান্তি, গত সব কত দ্রাবি,

স্বপ্নে উদয় প্রতিকণ ।

যর্ণনির্মিত চক্রাকার মঞ্জাবিশেষ । ইহা রাজমল্লকগণিশেষ ।

পদ্মিনী উপাখ্যান ।

বসিরে বিজন স্থলে, সিক্ত হয়ে অশ্রুজলে,
হেঁটে মুখে করেন রোদন ॥

একদা কণ্ঠা গতে, আলস্ত নয়নপথে,
করিলে পলক স্থান যোধ ।

দেখিলেন কালীমূর্তি, স্তম্ভ হতে পেয়ে ক্ষুৰ্ত্তি,
কহিছেন বচন সজ্জে ॥

“শুন ভীম বাক্য মোর, মকল হইবে তোমর,
যদি ক্ষুধা নিবার আবার ।

ক্ষুধার জলিয়া মরি, দে রে খাদ্য ফরা করি,
নর-মেদর-জ উপহার ॥”

রাজা কন “হে চামুণ্ডে ! অগণিত সৈন্যমুণ্ডে,
ক্ষুধা শান্তি না হলো তোমার ।

আর কি থাকিবে কালি ? সকলি দিয়াছি ডালি,
রক্ষ রাজ্য হর হারথার ॥”

দেবী কন “মহাশয়, আছে পুত্র একাশয়,
যম গ্রামে কর সমর্পণ ।

পরিতৃপ্ত হর হার, তোমার ঘুচিবে দার,
যদি রাখ আবার বচন ॥

তিন দিন গুম্বাগণে, বনাইয়া সিংহাসনে,
রাজ্যাস্পদে করিবে বরণ ।

ক্রমে একাদশ জন, গ্রামপথে করি বন,
যম গ্রামে হহরে পতন ॥”

এত বলি অস্তহিতা, হইলা অপরাজিতা,
মোহ যায় ভীমসিংহ রায় ।

মূর্ছিতসে ভাবে ভূপ, “এ কি ভয়ঙ্কররূপ,
এখনো শঙ্কার কাণে কার ॥

এ কি মম কৰ্ম-ভোগ, জাগ্রতে স্বপন বোধ,
নয়নেতে নাহি নিদ্রালেশ ।

মম হৃৎ-অধিষ্ঠাত্রী, নকল মনসাত্মী,
দেখা দিল ধরি ভীমবেশ ॥

করেছি কি অপরাধ, পদে পদে কি প্রহাস,
হার হার কি করি উপায় ?

দেবী নিশাচরী প্রায়, পুত্রগণে খেতে চাম্র,
হার হুঃখ কহিব কাহার ॥

যেই নন্দনের লাগি, সংসারেতে অহুরাগী,
হয়ে লোক চাহে ধন জন ।

এমন নন্দনগণে, কালীগ্রাসে সমর্পণে,
রাজ্যে ঘোর কিবা প্রয়োজন ॥”

চিন্তা করি এইরূপ, বাহির দেওয়ানে ভূপ,
বাব দ্বিরে বসিলেন গিরা ।

পাত্র মিত্র সরিধান, কহিলেন মতিমান্,
কালিকার বাক্য বিবরিয়া ॥

তুনিরে অমাত্যগণ, করিতেছে নিবেদন,
মনে মনে মানিয়ে বিষয় ।

“হয় হেন অশুভাব, চত্বিকার আবির্ভাব,
প্রকৃত ঘটনা কহু নয় ॥

বিষম বিপদকালে, চিন্তারূপ মেঘজালে,
জড়িত বিজ্ঞান-বিভাকর ।

হারে অনিদ্রায়, শরীরের বল যায়,
 অচেতন হইল-নিকর ॥
 জাগ্রতে স্বপ্নের ভোগ, চক্ষে মিথ্যা-দৃষ্টি-ভোগ,
 শ্রুতি-পথে বিখ্যা স্বর বাজে ।
 বিখ্যা শুনে চিত্তাকুল, বাতুলের সমতুল,
 হরে লোক কছু হাসে কানে ॥
 এই হেতু বোধ হয়, বিভীষিকা সত্য নয়,
 কালী কেন হইয়া নিদ্রা ।
 কহিবেন হেন বাণী ? যেই বরাতরগাণি,
 তব রাজ্য-পথে পদ্মিনী ॥
 তবে সে বিশ্বাস হয়, সত্যজন সমুদয়,
 সাক্ষাতে প্রত্যক্ষ যদি হয় ।
 থাকিব সকলে সাক্ষ্য, কহিলে দারুণ বাক্য,
 তবে যথা কর্তব্য সাধন ॥”

পুত্রদিগের সহিত পরামর্শ ।

অমাত্যগণের এই বাক্য পরিলেবে ।

দৈববাণী অমনি হইল শূন্যদেশে ?

“তরে রে পাবগুণ কর বিশ্বাস ।

এই পাপে চিত্তোন্মত্ত হবে সর্বনাশ ॥”

তনিরে হইল সবে শুভিতের প্রায় ।

চিত্তগুস্তলিকা মত অচেতনকার ॥

চকিত-হৃগিত-নেত্রে উর্দ্ধদিকে চায় ।

বিনা মেঘে য়োর শব্দ শুনিবারে পায় ॥

দিবস তিমির-পূর্ণ, রক্তছটা রবি ।
 ঘন ঘন দেখা দেয় বিজলীর ছবি ॥
 কণে কণে ভূমিকম্প, চঞ্চল সকল ।
 যেন ধরা চূর্ণ হয়ে যাবে রসাতল ॥
 হইল শোণিত-বৃষ্টি, কাঁদে শিবাগণ ।
 ভাঙ্গিল বিষম ঝড়ে ঘন উপবন ॥
 ভয়ে ভীমসিংহ ভূপ ভাবিয়ে ভবানী ।
 কাতরে কুমারগণে কহিছেন বাণী ॥
 “আর কেন বিলম্ব, সকলে অস্ত্র ধর ?
 এ নব বয়সে সব মায়া পরিহর ॥
 ধম জন যৌবন জীবন পরিবার ।
 সকলের আশা-সুখ কর পরিহার ॥
 চল সবে সমর করিব প্রাণগণে ।
 রাখিব জাতীয় ধর্ম রুধির-তর্পণে ॥
 কুল-ধর্ম রাখিতে জীবন যদি যায় ।
 জীবনের সার্থকতা, ক্ষতি কিবা তার ?
 কুলের কলঙ্ক কে দেখিবে ক্ষত্র হরে ?
 রাজপুত্র-সুতা বাবে যবন আগরে ?
 বিশেষে পদ্মিনী সতী প্রেমসী আয়ার ।
 যদিও ভোমরা নহ গর্ভজ তাহার ॥
 তথাপিও সকলে জননী-ভাব ধরি ।
 সদাকাল সময়েইে ষাঙ্গিল সুন্দরী ॥
 সদাকাল সম ভক্তি করিয়াছ সবে ।
 এখন করিলে রক্ষা ধন্ত বলি তবে ॥”

শুনিবে পিতার বাক্য নির্ভয়-হৃদয় ।
 ধরিল সমর-সজ্জা রাজপুত্রচয় ॥
 হার এ কি পরিতাপ ? এ কি মনঃক্লেশ ?
 মৃত্যু-মুখে পুত্রে যেতে পিতার আদেশ ॥
 যৌবন-সাহস-বীৰ্য্য-রূপ-গুণধর ।
 এক নহে যেন একাদশ দিনকর ॥
 এ হেন কুমারচয় মরিবে অকালে ।
 হার হার কি দুর্ভাগ্য তাঁদের কপালে ॥
 ছুটের অনিষ্ট-চেষ্টা-পূরণ-কারণ ।
 হেন বীর-রত্ন-চয় পাবে কি নিধন ?
 পরম পৌরুষ ধর্ম দেশ-হিতৈষিতা ।
 ক্ষত্রিয়ের বীর-বৃষ্টি চির-প্রশংসিতা ॥
 এ সকল সাধু ধর্ম ব্যর্থ যদি হবে ।
 বিধাতার বিধানেতে স্মার কোথা তবে ?
 ছুট যবনের পক্ষে অধর্ম কেবল ।
 মহাপাপ-মেঘমালা মানসে প্রবল ॥
 কি কদাশে চিত্তোরেতে আইল পামর ?
 হত বাহে সহস্র সহস্র নারী নর ॥
 স্মরিলে মহসা হয় এই প্রমোদর ।
 এমন হুরায়া লক্ষ হবে কি বিজয় ?
 তবে সেই শাস্ত্রবাক্য রহিবে কোথায় ?
 “যতো ধর্মস্ততো ভয়ঃ” গীতার গাথায় ॥

পাখনী উপাখ্যান ।

অরিসিংহের বুদ্ধ ।

দুর্গের দ্বিতীয় দ্বারে মহীপতি আসি দেন বার ।
বসিল ঘেরিয়া তাঁরে তারাকারে এগার কুমার ॥
সেই দিন রাজ্য তথা পরিহরি ছত্র-সিংহাসনে ।
রাজ্য-পাটে যথাবিধি বরিলেন প্রথম নন্দনে ॥
অরিসিংহ নাম তাঁর, অরি পক্ষে সিংহের সমান ।
তিন দিন পরে শূর সসৈন্তেতে রণভূমে যান ॥
ঘোরতর রাগ নাগ করলে অন্তর জরজর ।
অদ্ভুত বীরত্ব বীর দেখালেন শত্রুর ভিতর ॥
কোটি কোটি তারা-মাবে মৃগাক্ষের প্রভাব যেমন ।
অস্থির শত্রুর দল চারিদিকে করে পলায়ন ॥
কিন্তু সে পাঠান-সেনা সীমাহীন সিদ্ধুর সমান ।
সহস্র সোনার মাত্র কুমারের সহিত যোগান ॥
যেন কোটি ক্রৌঞ্চ সহ সহস্র মরণ বুদ্ধ করে ।
বিশেষে যখন সৈন্ত উঠিয়াছে গড়ের উপরে ॥
যথা সেফালিকা-ফুল বিতরিয়া গন্ধ মনোহর ।
প্রভাতে নিস্তেজ হয়ে বরি পড়ে ধরনী-উপর ॥
সেইরূপ অরিসিংহ বুদ্ধে বুদ্ধে হয়ে বল-হত ।
অদ্বাধাতে বক্রপাতে অবশেষে জীবন বিগত ॥

শেষ সমরে ভীমসিংহের প্রবেশ ।

সমরে বসিল জ্যেষ্ঠ কুমার সুন্দর ।

তিনি রূপমণি হন অত্যন্ত কাতর ॥

কিন্তু বজ্রাঘাতপ্রায় কণিক সে শোক ।
 স্বপ্নে উদয় বৈশ্বকর্ষের আলোক ॥
 একে ইসলামের প্রতি ঘেঘ ঘোরতর ।
 তাহাতে স্বদেশ-প্রীতি-পূর্ণিত অন্তর ॥
 তাহে কুল-লজ্জা-রক্ষা রাজকুল-ব্রত ।
 কোন ক্রমে সে কলঙ্ক না হয় সঙ্গত ॥
 তাহে ক্ষত্রিয়ের এই ধর্ম চিরন্তন ।
 সাক্ষাৎ কৈবল্য-দাতা সমরে মরণ ॥
 বিশেষে আশ্বাস-বারি-ত্যক্ত মনোমীন ।
 একেবারে জীবনের প্রতি মায়ামীন ॥
 যেরূপ দীপের আলো ম্লান দিবাভাগে ।
 সেইরূপ শোক তাপ মনে নাহি লাগে ॥
 পরদিন পুনঃ রাজা বিহিত আচারে ।
 রাজ্য-পাটে বসিলেন দ্বিতীয় কুমারে ॥
 তিন দিন অবসানে পাঠালেন রণে ।
 মরিল কুমার যুদ্ধ করি প্রাণপণে ॥
 এইরূপে একে একে দশ পুত্র হত ।
 ঘোরতর বিগ্রহেতে মাসাধিক গত ॥
 শ্রীহীন চিতোরপুরে দিনে অন্ধকার ।
 কেবল বিশ্রুত রমণীর হাহাকার ॥
 যে ছিল পুরুষ মাত্র রাজ-সম্বন্ধান ।
 চিতোর হইল নারী-রাজ্যের সমান ॥
 একদা বসিয়া ভীমসিংহ দরবারে ।
 কহিছেন লম্বোদরে বত সন্নদারে ॥

“মরিল সকল পুত্র বাকী মাত্র এক ।
 করিব তাহারে অস্ত্র রাজ্যে অভিষেক ॥
 তারে রাখি রাজ্য-পাটে আমি যাব রণে
 লভিব অক্ষয় স্বর্গ জীবন অর্পণে ॥
 শত্রু-হস্তে পরিভ্রাণ হেতু নারীগণ ।
 প্রাণত্যাগ করিবেক প্রবেশি দহন ॥”
 শুনিরে অক্ষয়সিংহ পিতার বচন ।
 করপুটে ভূপতিরে করে নিবেদন ॥
 “অনুচিত কথা কেন কন মহারাজ ?
 এবার সমর-সজ্জা সেবকের কাজ ॥
 এই তো কালীর বানী আপনার প্রতি ।
 না দিলে এগারো পুত্র নাহি অব্যাহতি ॥
 আপনি যাবেন যদি সাজিয়ে সমরে ।
 কহ তাত মঙ্গল হইবে কার তরে ॥
 কি ছার আমার এই অসার জীবন ?
 তব-নাশে রাজ্য-আশে করিব বকন ?
 অনুমতি দেহ পিতা রণে যাই আমি ।
 তব কার্য্যে প্রাণ ত্যাগি, হই স্বর্গগামী ॥”
 শুনিরে পুত্রের কথা সজল-নরনে ।
 কহিলেন ভীমসিংহ অমিয়-বচনে ॥
 “কেন বাপ অযুক্ত কথায় আস্থা রাখ
 প্রবোধ-চন্দনে স্বীয় মন-পুষ্প মাখ ॥
 দেখ দেখি বিচারিবে মনের ভিতর ।
 কি আছে মঙ্গল মম ইহার অন্তর ?

মরিল সকল লোক ছাতি-বন্ধুগণ ।
 পুত্র হত, পত্নী হত, চ্যুত সিংহাসন ॥
 প্রবল বিজয়ী বৈরী ঘোর অভ্যাচারী ।
 সর্বস্বান্ত হয়ে তার কি করিতে পারি ?
 অতএব আমার মঙ্গল কোথা আর ?
 মরণ মঙ্গল মম এই জানি সারি ॥”
 এইরূপে পিতাপুত্রের বাদ অনুবাদ ।
 উভয়ের মনে, প্রাণ দিতে অবসাদ ॥
 শেষেতে রাজার বাক্য হইল প্রবল ।
 “সাজ সাজ” শব্দে পূর্ণ আকাশ-মণ্ডল ॥

ক্ষত্রিয়দিগের প্রতি রাজার উৎসাহ বাক্য

“স্বাধীনতা হীনতার কে বাঁচিতে চায় হে,

কে বাঁচিতে চায় ?

দাসত্ব-শৃঙ্খল বল কে পরিবে পায় হে,

কে পরিবে পায় ?

কোটিকল্প দাস থাকা নরকের প্রায় হে,

নরকের প্রায় ।

দিনেকের স্বাধীনতা স্বর্গ-সুখ তায় হে,

স্বর্গ সুখ তায় ॥

এ কথা যখন হয় মানসে উদয় হে,

মানসে উদয় ।

পাঠানের দাস হবে ক্ষত্রিয়-তনয় হে,

ক্ষত্রিয় তনয় ॥

তখনি অলিয়ে উঠে হৃদয়-নিগর হে,

হৃদয়-নিগর ।

নিবাইতে সে অনল বিলম্ব কি সয় হে ?

বিলম্ব কি সয় ?

অই গুন ! অই গুন ! ভেরীর আওয়াজ হে,

ভেরীর আওয়াজ ।

সাজ সাজ বাল সাজ সাজ সাজ হে,

সাজ সাজ সাজ ॥

চল চল চল সবে সমর-সমাজ হে,

সমর-সমাজ ।

রাখহ পৈতৃক ধর্ম, ক্ষত্রিয়ের কাজ হে,

ক্ষত্রিয়ের কাজ ॥

আমাদের মাতৃভূমি রাজপুতনার হে

রাজপুতনার ।

সকল শরীরে ছুটে রুধিরের ধার হে,

রুধিরের ধার ॥

সার্থক জীবন আর বাহুবল তার হে,

বাহু-বল তার ।

আত্মনাশে যেই করে দেশের উদ্ধার হে,

দেশের উদ্ধার ॥

কৃতান্ত-কোমল-কোলে আমাদের স্থান হে,

আমাদের স্থান ।

এসো তার স্মৃতি সবে হইব শয়ান হে,

হইব শয়ান ॥

পদ্মিনী উপাখ্যান ।

কে বলে শমন-সজ্জা ভয়ের নিধান হে,
ভয়ের নিধান ?

কত্রিরের জ্ঞাতি ষম *, বেদের বিধান হে,
বেদের বিধান ॥

অরহ ইক কু-বংশে কত বীরগণ হে,
কত বীরগণ ।

পরহিতে, দেশহিতে, ত্যজিল জীবন হে,
ত্যজিল জীবন ॥

অরহ তাঁদের সব কীর্তি-বিবরণ হে,
কীর্তি-বিবরণ ।

বীরত্ব-বিমুখ কোন্ কত্রিয়-নন্দন হে,
কত্রিয়-নন্দন ?

অতএব রণভূমে চল ত্বরায় যাই হে,
চল ত্বরায় যাই ।

দেশহিতে মরে যেই তুল্য তার নাই হে,
তুল্য তার নাই ॥

যদিও যবনে মারি চিতোর না পাই হে,
চিতোর না পাই ।

স্বর্গস্থখে সুখী হব, এসো সব ভাই হে,
এসো সব ভাই ॥

তুলিয়ে সাজিল লোক কিবা যুবা শিশু ।
যে ছিল নিপুণ চাপে হুজিবারে ইষু ॥

বিমুক্ত কুন্তল-জাল, অশ্রু ধারা মুক্তামাল,
সুশোভিত পূর্ণেন্দু-বদন ॥

নিরখিয়ে নৃপতিরে, উঠে রাণী ধীরে ধীরে,
বসাইয়ে বিচিত্র আসনে ।

জিজ্ঞাসেন মুহু ভাষে, বসিয়ে রাজার পাশে,
‘আজ্ হে উদয় কি কারণে ?

দশ নন্দনের মায়া, কেমনে সহিল কায়া,
ছায়া-প্রায় ছিল হে তোমার ।

রণশায়ী পুত্রগণ, আছে মাত্র এক জন,
প্রিয় শিশু অজয় কুমার ॥

আর কেন হে রাজন, বলি দিবে সেই ধন,
ব্যান মাতা রাক্ষসীর পায় ?

পানীয় পিণ্ডের স্থল, কে আর রহিল বল ?
বাপ্পা-রাও-বংশ লোপ-প্রায় ॥

ক্ষমা দেহ নরপতি, সময়ে করহ গতি,
আর পাঠায়ো না সে সন্তানে ।

তুমি যাও রণ-স্থলে, আমি স্বীয় দলে বলে,
অমলে প্রবেশি ত্যজি প্রাণে ॥”

রাণীর বচনে রায়, চিত্রপুস্তলিকা প্রায়,
মৌনী হয়ে কণেক থাকিরা ।

কহিছেন মুহু স্বরে, বিকচ কমলোপরে,
মলয়জ অনিল জিনিয়া ॥

“শুন শুন প্রাণপ্রিয়ে, জুড়াল তাপিত হিয়ে,
সুখাসিক্ত তোমার কথায় ।

যা कहিলে কুশোদরি, সেই কথা স্থির করি,
আসিয়াছি লইতে বিদায় ॥

এ বিদায় জন্ম-শোধ, প্রণয়-পঙ্কজ-রোধ,
ইহলোকে তোমার আয়ার ।

যদি পুরে মনস্কাম, প্রাপ্ত হয়ে যোগ্য-ধাম,
মিলন হইবে পুনর্বার ॥

হের অই প্রাণপ্রিয়ে ! দিনকরে আবারিয়ে,
প্রকাশিছে যথা জলধর ।

সেইরূপ মম সঙ্গ, তোমার মলিত অঙ্গ,
মলিন করিল নিরন্তর ॥

প্রথম মিলনকালে, প্রমোদ-প্রসূন-মালে,
বিভূষিত ছিল তব মন ।

সে তাব কোথায় হার ? অশ্রুজলে ভেসে যায়,
কপোল কমল বিমোহন ॥

আর না যাতনা ঘোরে, মলিন করিব তোরে,
যাই প্রিয়ে দেহ লো বিদায় ।

অই দেখ জলধর, পরিহরি দিনকর,
দিগ্দিগন্তরে দ্রুত ধায় ॥”

এত বলি মহাবাহু, শশধরে যথা বাহু,
মহিবীরে লইলেন কোলে ।

চারি চক্রে করে জল, প্রকলিত হুঃখানল,
বাড়িব বেরূপ বারি তোলে ॥

যথা দিবা-অবসানে, বিদায় প্রেম সংস্থানে,
কাতরেতে চাহে চক্রবাক ।

সেইরূপে মতিমান, বিদায় লইয়া যান,
 রাজপুরে রোদনের জাঁক ॥
 পদ্মিনী অস্থিরা নন, ডাক দিয়া দাসগণ,
 আঁজা দেন সাজাইতে চিত্ত।
 ক্ষত্রিয় রমণীগণে, সুন্দর সযোধনে,
 ডাকিলেম হরে প্রকৃষিতা ॥

অগ্নি-প্রবেশ।

দেখ, পথিক সুজন।
 যেই স্থানে পদ্মিনীর, কলেবর সুরুচির,
 দাহন করিল হতশন ॥
 গিরি, গুহার ভিতর।
 না চলে ভার্য্য ভাতি, তমোময় দিবা রাতি,
 আছে পুরী অতি ভয়ঙ্কর ॥
 তাহে, করিছে নিবাস।
 মোরী-কুল * প্রসবিনী, ভীষ-রূপ ভূজসিনী,
 সহ স্বীর সঙ্গিনী সংকাশ ॥

* বাম্পী রাণের মাতুলকুল নাম বংশ মাস মাতার শরীরের একটুকু বহুব্যাকার এবং অপরাধ ভূজস্বাকার, এইরূপে বর্ণিত আছে।

হেন, সাহসী কে হয় ?

অতিক্রম প্রবেশে ভিতরে তার

সদা বহে বায়ু বিবমর * ॥

এই, গুহার নিকট ।

হলো চিত্ত-আয়োজন, আবির্ভূত হতশন,

কালানলবরূপ নিকট ॥

পরি, বসন ভূষণ ।

হইলেন উপনীত, রাখিতে কুলের হিত,

সহস্র সহস্র রামাগণ ॥

আগে, পদ্মিনী আসিয়া ।

সকলেরে সম্বোধিয়া, সুসাহস সংবর্দ্ধিয়া,

কহিছেন হাসিয়া হাসিয়া ॥

সহচরীদিগের প্রতি উৎসাহবাক্য ।

“এসো এসো সহচরীগণ,

এসো সহচরীগণ !

হতশন-প্রাসে করি জীবন অর্পণ ॥

ধর সবে মনোহর বেশ,

বাধ বিনাইরে বেশ ।

চলহ অমরাকর্তী করিব প্রবেশ ॥

* বোধ হয়, গুহা গুপ্ত গৃহমধ্যে কার্বনিক এসিড গ্যাস নামক কারণে প্রধান বায়ু বাতুর আবির্ভাব থাকিলে, তাহা প্রাণিমাত্রের প্রাণহারক, ইহা অসিদ্ধই আছে। কর্ণেল টড এতাবৎ আশঙ্কাক্রমে তদ্বাধ্য প্রবেশ করেন নাই ।

গুরে সখি আজ রে সুদিন,
 ঘটরাছে ভাগ্যধীন ।
 শুধিৰ জীবন-দানে পতি-শ্রম-ধন ॥
 আজি অতি সুখের দিবস,
 পাব সুখ-মোক যশ ।
 বিবাহের দিন নহে এরূপ সরস ॥
 পরিণয় প্রমোদ-উৎসবে,
 তেবে দেখ দেখি সবে ।
 পতি যে পদার্থ কিবা কে জানিতে তবে ?
 সবে তবে ছিলে মো বালিকা,
 যথা সুদিতা মালিকা ।
 অলি যে আনন্দহাস্তা জানে কি কলিকা ?
 সকলেতে জেনেছ এখন,
 পতি অতি প্রাণধন ।
 দার কন্তে যুবতীর জীবন যৌবন ॥
 হেন ধন নিধন অস্তরে,
 এই ছার কলেবরে ।
 রাখিবে এ ছার প্রাণ আর কার করে ?
 বিশেষত যবনের ঠাই,
 কোনরূপে রক্ষা নাই ।
 তাবিলে ভাবীর মশা মনে ভর পাই ॥
 সতীত্ব সকল ধর্মসার,
 দার পর নাহি আর ।
 যুগে যুগে কত্রিরের এই ব্যবহার ॥

অতএব এসো লো সকলে,
 গিরে প্রবেশি অনলে ।
 যথা পতি তথা গতি লোকে যেন বলে ॥
 স্বর্গসুত রাজপুত্র সবে,
 প্রাণ ত্যজিয়া আহবে ।
 বিহরিছে নিত্যধামে আনন্দ-উৎসবে ॥
 তোমাদের আসার আশার,
 আছে চাতকের প্রায় ।
 তোমরা জগতে রবে কার ভরসার ?
 সকলের পরীক্ষা হইবে,
 ভাল ঘোষণা রহিবে ।
 কে কেমন পতিব্রতা লোকেতে কহিবে ॥
 এসো বাই অমর-নগরে,
 সবে আনন্দ অন্তরে ।
 বিলম্ব উচিত নহে এসো লো সফরে ॥”
 এত বলি নৃপতিসলমা,
 পতিভক্তিপরায়ণা ।
 দিয়াকরে করে তব কুরঙ্গনয়না ॥

স্তোত্র ।

“অয় হরপতি ভাঙ্কর !
 সমুদর সুখ-পুঙ্কর !
 ধরম-করম-রক্ষক !
 সকল-চরিত-লক্ষক !
 কলুষ-কলস-ভেদক !

পদ্মিনী উপাখ্যান ।

ভব-ভয়-চয় ছেদক !

সুমতি-সুরতি-চালক !

সুবিনয় জন-পালক !

তিমির-তুহিন-মোচন !

জয় জয় বিভুলোচন !

ফুল-ফল-দল-জীবন !

জলধর-তনু-সীবন !

ধরভর-কর-বর্তন !

জয়দ জয় বিকর্তন !

উদয় অচল-শোভন !

কমল-নলদ-লোভন !

নৃপকুল-চয়-আকর !

প্রণত পতিত, যা কর !

মুহি তুহ কুল-কামিনী ।

হর মম ছধ-বামিনী ॥”

পরে আমি প্রদক্ষিণ করি,

পতি-পদাধুজ করি ।

প্রবেশে প্রোঙ্কল চিতা সাহসে নির্ভরি ।

অস্তাচলে করিলে গমন,

যথা রোহিণী-রমণ ।

একে একে প্রভাতে অধুজ তারাগণ ॥

সেইরূপ পদ্মিনী বর,

পুরবাসিনী নিকর ।

অনলে প্রবেশ করি ত্যজে কলেশ্বর

হলো অতি দৃশ্য ভয়ঙ্কর,
ভাবে শিহরে অস্তর।

প্রচণ্ড দহন-বিধা পরশে অস্তর ॥

চট্ পট্ শব্দ হয়,
ধূম-পূর্ণ পুরীময়।

চন্দন গুগ্ গুলু-গন্ধে সমীরণ বয় ;
রণ-স্থলে ভীমসিংহ রায়,
অগ্নি দেখিবারে পায়।

জানিল পদ্মিনী সতী ত্যজিলেন কার্য।
যেন নিম্বাদেয় ধর শরে,
জরজর কলেবরে।

মৃত্যুকালে কুরঙ্গ গরজে ঘোর স্বরে ॥

তাহে যদি করে দরশন,
কুরঙ্গীর নিধন।

বিষম বিক্রম যুগ প্রকাশে তখন ॥
সেইরূপ মহারাণা ভীম,
সদে সস্তাপ অসীম।

চরম-শ্বরে যুদ্ধ করে অতি ভীম ॥
কত শত শত শত্রু পড়ে,
যেন থলয়ের বড়ে।

পতিত অসংখ্য তরু স্থলিত শিকড়ে ॥
অবশেষ শক্তিশূন্য কার্য,
সিদ্ধছাড়া তিরি প্রায়।

পড়িল বীরের চূড়া ভীমসিংহ রায় ॥

চিত্তোরাধিকার ।

মুসলমান, বেগবান, হুম-যান, চাপে ।
 অক্ষুণ্ণ, নিয়োজন, প্রহরণ, চাপে ॥
 কি উজ্জল, বলমল, মুক্তাফল, তাজে ।
 কত বল *, বীর মল, হাতে ভল্ল ভাঁজে ॥
 ফলকের, বলকের, আলোকের, ছাঁদ ।
 যেন অলে, সিকুললে, তারাদলে, চাঁদ ॥
 কটাকট, চটপট, পটপট, শক ।
 মার মার, শোর মার, চারিধার, শুক ॥
 কাটিরার †, আসোরার, তরয়ার, হস্তে ।
 টানিতেছে, হানিতেছে, আনিতেছে, দস্তে ॥
 কেবাড়ের, ধারে ফের, দেওড়ের, জাঁক ।
 হুড় হুড়, হুড়, হুড়, গুড় গুড়, ডাক ॥
 এক দিকে, মগ্ননিকে ‡, ধারে বিঁকে, ধেরে
 হুড় হুড়, হুড় হুড়, পড়ে চাড়, পেরে ॥
 চউ চির, দেহড়ীর, বিড়কীর, পাল্লা ।
 বত বলী, কুতুহলী, বুধে বলি, আল্লা ॥

* ইহার ব্রাতা ক্ষত্রিয়, রাজপুতনায় অধাপি ঝালা নামে প্রসিদ্ধ । আলাউদ্দীন চিত্তোরাধিকারসময়ে সর্বপ্রথমে সেই বলবংশীয় ঝালোর-প্রদেশীয় রাজা মল্লদেবকে হস্তগত করিয়া চিত্তোরের শাসন-কর্তৃপদে নিযুক্ত করিয়া দায় ।

† রাজপুতনার অন্তঃপাতী প্রদেশবিশেষ । তৎপ্রদেশীয় প্রসিদ্ধ বোটকগণ তন্নামেই খ্যাত হয় ।

‡ চুর্গের প্রাচীর বা ঘাটাদি ভঙ্গনকরণার্থ ঢেঁকা কলের সদৃশ বস্ত্রবিশেষ, ইহাকে ইংরাজিতে 'ঘাটোরং রাম' কহে ।

পদ্মিনী উপাখ্যান ।

টোকে গড়, যেন ঝড়, দড় বড়, কোরে
আঁখি লাল, যেন ঢাল, কি কুলাল, খোরে ॥
সমুদ্র, দেবালয়, করে লয়, রাগে ।
ছাড়ে মেহ, ছাড়ি গেহ, নাহি কেহ, ভাগে ॥
নিহত নিকর শূর, পড়িল চিতোর পুর,
হিন্দু-হর্য্য অন্তগিরি গত ।
দাসক হুজুর কেশ, রাজ-হানে * সমাবেশ
তাপ তমস্বিনী পরিণত ॥
যখন যবন আসি, সমরতরঙ্গে ভাসি,
পৃথুরাজে পরাস্ত করে ।
হিন্দুর প্রতাপ লেশ, বাহা কিছু অবশেষ,
ছিল মাত্র চিতোর নগরে ॥
যথা ঘোর অমানিশা, তমঃপূর্ণ দশ দিশা,
আকাশে জলদ আড়ম্বর ।
যেঘহীন একদেশে, বিমল উজ্জল বেশে,
দীপ্তি দেয় তারক সুন্দর ॥
অথবা তরঙ্গ রঙ্গ, জলধির অঙ্গ সঙ্গ,
শ্রোতে হয় তৃণ তিন খান ।
ভমোর সমুদ্র, কিছু নাহি দৃষ্ট হয়,
পরিক্রান্ত পোতপতি-প্রাণ ॥
বিপদ-বারণ হেতু, শৈলোপরি যেন কে হু,
প্রদীপ্ত আলোক শোভা পায় ।

সে রূপ ভারতদেশে, স্বাধীনতা-সুখ শেষে,

ছিল মাত্র রাজপুতনার ॥

কি হইল হার হার ! সে নক্ষত্র লুপ্তকার,

নিভিল সে আলোক উজ্জল ।

যবনের অহঙ্কার, চূর্ণ হয়ে কতবার,

এই বার হইল সফল * ॥

চিতোরের অশুভগত, সামন্ত ভূপতি যত

একে একে স্বাধীনতা-চ্যুত ।

সোলাঙ্কি প্রমরা হার, পুরীহর আদি আর,

শুক বংশ কত রাজপুত ॥

কোথায় অবস্থা আর ? কোথা দেব-গিরিধার ?

কোথায় মন্দোর হারাবতী ?

আলাউদ্দীনের দণ্ড, করে সব লণ্ডতণ্ড,

কি বর্ণিব যে হলো দুর্গতি ॥

ভান্সিয়া পাড়িল যত, দেবালয় শত শত,

শিল্পচাতুরীর একশেষ ।

মুটে নিল সব ধন, চিতোরের সিংহাসন,

ছত্র দণ্ড অস্ত্র রাজবেশ ॥

পোড়াইরে ছারখার, করিলেক ঘর-ঘার,

বাদশার আদেশে কেবল ।

পদ্মিনীর মনোহর, অটালিকা পরিকর,

নষ্ট না করিল দৃষ্ট দল ॥

* ইতিপূর্বে মুসলমানেরা চিতোর অধিকারকরণার্থে বার বার উদ্যোগ পাই-
য়াও অসীষ্ট সিদ্ধ করিতে পারে নাই।

হের হে পথিক জন ! অন্যাপি সে সুশোভন,
অট্টালিকা আছে বর্তমান ।

সরসীর গর্ভ থেকে, নীরদ * নিকর ঢেকে,
উঠিয়াছে পর্বতপ্রমাণ ॥

কি হইল হার হার ! কোথা সব মহাকার
ভেজঃপুত্র রাজপুত্রগণ ?

প্রভাতে উঠিলে তারা, যুঝিলে দিবস সারা,
প্রদোষেতে মুদিল নয়ন ॥

কে ভাবিলে সেই ঘুম ? ঘোর কালানল-ধুম,
ঘেরিয়াছে পলকের দ্বার ।

মুদিয়াছে হৃদপদ্ম, বীরত্ব বধুর সঙ্গ,
নাহি তাহে স্বাসের সঞ্চার ॥

* রাজপুত্রনা প্রদেশে রাজাট্টালিকার নাম “বাদলমহল”:যেহেতু, ঐ সকল প্রাসাদ পর্বতশ্রেণীরোপরি নির্মিত । বিশেষতঃ মেওয়ার অর্থাৎ মেরুদেশের পূর্বরাজধানী চিতোর এবং আধুনিক রাজধানী উদয়পুরের রাজবাটী অতুল গিরি চূড়ার স্থাপিত । উদয়পুরের ভূগনিলয় দুই সহস্র পাদ উচ্চ শৈলোপরি প্রস্তুত, হুতরাং এই সকল নৃপনিকেতনকে “বাদল মহল” অর্থাৎ মেঘ-মন্দির পদে বাচ্য করা অযথা নহে । সেই সকল মন্দির চূড়ার সর্বদাই মেঘাবির্ভাব হয় । ভারতবর্ষের এইরূপ শৈলশিরে রাজগৃহ নির্মাণকরণের রীতি অতি পুরাতনী মহাত্মা মনু উক্ত প্রকার নিয়মে পুরীনির্মাণার্থ রাজাদিগকে উপদেশ দিয়াছেন, এবং শকুন্তলা প্রভৃতি নাটকে এইরূপ মেঘমন্দিরের নির্দেশ আছে । প্রকৃত, নির্বিঘ্নতা এবং সুস্থতা করে এক্ষণকার স্থানে বাস করা যে অতি হিতকর, তাহাতে আর সন্দেহমাত্র নাই, একদেশে ইউরোপীয়েরা অস্থস্থ হইলে, হাজি লিং বা সিমলা অথবা নীলগিরিতে প্রবাস করিতে যান । পদ্মিনীর প্রাসাদের প্রতিকল্প:টড্ সাহেবের গ্রন্থে প্রস্তুত হইয়াছে, আমাদের নিস্তান্ত, মানস ছিল, তাহা এই গ্রন্থে প্রদান করি, কিন্তু উপযুক্ত শিল্পীর অভাবে সেই মানস পূর্ণ করিতে পারিলাম না ।

ধরাতলে লোটাইয়ে, নামারক প্রসারিয়ে,
তুরঙ্গ পতিত শত শত ।

বিষ্কারিত তবু তার, বাস নাহি আসে যার,
চিবুকেতে রসনা নির্গত ॥

ধূনিত কার্ণাসপ্রায়, ফেনলালে শোভা পায়,
নবীন শাবল দুর্বাদল ।

মরকত বিজটার, কিবা শোভে তিতার,
গুচ্ছ গুচ্ছ কুত্র ক্রাফল ॥

অদূরে আরোহী তার, প্রদোষের পদ্মাকার,
ধ বিমুদিত নেত্রে পড়ি ।

যে তনু কাঞ্চন সম, ছিল প্রিয়া-প্রিয়তম,
ধূলায় যেতেছে গড়াগড়ি ॥

যে অধর-সুধাকর, যে নয়ন ইন্দীবর,
ছিল প্রেমসীর প্রিয়ধন ।

সেই অধরেতে আসি, বায়সী সুখেতে ভাসি,
চক্ষে চক্ষু করিছে যাতন ॥

হত হিন্দু-নৃপমণি, উঠে জ্বর জ্বর ধ্বনি,
ধবনের শিবির-ভিতর ।

আনন্দজলধি পর, ভাসিলেক দিল্লীখর,
বাস্ত হরে প্রবেশে নগর ॥

এই ভাবে গদগদ, ধরি পদ্মিনীর পদ,
পরিহার লইব মাগিয়া ।

যাতনা হইল দূর, লয়ে যাব দিল্লীপুর,
কত চুঃখ তাহার লাগিয়া ॥

রূপসী পঙ্কজহৃদ, এ পদ্মিনী কোকমদ,
 প্রধানা মহিষীপদ লবে ।
 সর্কোপরি যার স্থান, কমলা দেবীর * মান,
 এইবার লবু কল্প হবে ॥”
 এই রূপ করি কল্প, প্রবেশি প্রধান তল্প,
 পদ্মিনীর অন্বেষণ করে ।
 বহলে মহলে ধায়, কিছু না দেখিতে পায়,
 গৃহসজ্জা আছে থরে থরে ॥
 কহিল আমীরগণে, “জান দেখি সবতনে,
 কে আছে ভীমের বংশে আর ।
 হইয়াছে যা হবার, অন্বেষণ কর তার,
 সমুচিত শেষ প্রতীকার ॥
 করি তাহে লাল-বন্দী, পাতিয়ে প্রথম-সন্ধি,
 দিল্লীপুরে করিব প্রয়াণ ।”
 শাহের আদেশ পেয়ে, দূতচয় যায় ধেয়ে,
 বিজয়ের করিতে সন্ধান ॥
 খুঁজিল সকল স্থল, গিরি গুহা শিলাতল,
 বুড়ি ঝোপ বন উপবন ।
 না পাইল তত্ব তার, শূন্যময় নৃপাগার,
 ফিরে গৈ সত্রাট-সদন ॥

* ইনি গুজরাট-অধিপতির মহিষী ছিলেন । আলা উদ্দীন নেহারওয়ালার অধিকার পূর্বক উক্ত ভূপতির অশান্ত সম্পত্তির মধ্যে কুলকামিনীগণকে হরণ করিয়া লইয়া আইসে । কমলা দেবী অসামান্য রূপ-লাবণ্যবতী ছিলেন, তজ্জন্তু আলা তাঁহাকে প্রধানা মহিষী করে; এবং তদবধি হিন্দু নৃপ-লসনাগণ-হরণে লোলুপ হয় ।

সিংহাসন-অধিষ্ঠাতা, শিরোপরে হেম ছাতা,
 ধাতা আর প্রতাপ বাহার ।

সীতার ষেরূপ গতি, অনন্য ছন্দমতি,
 মরণেতে তারো সে প্রকার ॥

যে পথে মাকাতা গত, কোটি কোটি কত শত,
 সেই পথে যার দীনগণ ।

মাকাতা, মনুর জন্ত, নাহি আর পথ অন্ত,
 এক পথ আছে চিরন্তন ॥

থাকে যদি কীর্ত্তি-লেশ, নাম মাত্র থাকে শেষ,
 সেই শুদ্ধ কবির কল্যাণে ।

কে জানিত যুধিষ্ঠিরে, ভীষ্ম দ্রোণ কর্ণবীরে,
 যদি ব্যাস না বর্ণিত

কোথায় মাহিষমতী, কোথা বা সে দারাবতী,
 কোথায় হস্তিনা শৌরসেনী ?

কোথায় কোশাবতী আর ? কিনা চিহ্ন আছে তার ?
 বহে যথা তটিনীর শ্রেণী ॥ *

যেই পথে তারা গত, সেই পথে অবনত,
 ভরদ্বাজ ঋষির আশ্রম ।

পাতার কুটীর বলি, কড়ু কাল মহাবলী,
 করে নাই স্বতন্ত্র নিয়ম ॥

মধুমাসে মনোহর, সৌরভেতে ভর ভর,
 প্রফুল্ল ফুলের কত শোভা ।

* মম্প্রতি ইউরোপীয় পণ্ডিতেরা নির্ণয় করিয়াছেন, কোশাবতী পুরী প্রদেশের
 সিকট করা নামক স্থানে স্থাপিত ছিল ।

পদ্মিনী উপাখ্যান ।

ভুই কাল নিদারুণ, নাস্তি জ্ঞান গুণাগুণ,
কাটিছ তরুণ শস্যচয় ॥

ধিক্ কাল কালামুখ ! ভারতের কোন মুখ,
না রাখিলি ভুবন-স্তিতর ।

কোথা সব ধমুর্কর, কোথা সব বীরবর ?
সব খেয়ে ভরিলি উদর ॥

কি আছে এখন আর ? দাসত্ব-শৃঙ্খল সার,
শ্রেষ্ঠ পদে বাঁধা পদে পদে ।

দুর্বল শরীর মন, সিন্নমাণ হিন্দুগণ,
তত্বহীন মত্ত ঘেষমদে ॥

ফলত সকলি ভ্রম, ঘোরতর মোহতমঃ,
সদাচ্ছন্ন মানব-নয়নে ।

সুখ-সূর্য্য সুবিমল, বিষাদ-বারিদদল,
পরিবর্ত্ত হয় ক্রমে ক্রমে ॥

বশোরূপ ইন্দ্রধনু, অসার তাহার জনু,
তনু তনু হয় প্রতিপলে ।

কিবা প্রেম কিবা আশা, সৌন্দর্য্য মাধুর্য্য বাসা,
অচিরাৎ ভস্ম কালানলে ॥

সুখ দুঃখ বলাবল, এতুত্ব দাসত্ব বল,
কালচক্রে ঘুরিতেছে সদা ।

কভু উর্ধ্বে কভু নীচে, কভু আগে কভু পিছে,
এই ভাব দেখ যদা তদা ॥

ভারতের ভাগ্য জোর, দুঃখ-বিভাবরী ভোর,
যুম-যোর থাকিলে কি আর ?

পদ্মিনী উপাখ্যান ।

ইংরাজের কৃপাবলে, মানস উদয়াচলে,
 জ্ঞানভানু প্রভায় প্রচার ॥
 শান্তির সরসী-মাঝে, সুখ-সরোরুহ রাজে,
 মনোভঙ্গ মজুক হরিষে ।
 হে বিভো করুণাময় ! বিদ্রোহ বারিদচয়,
 আর যেন বিষ না বরিষে ॥
 শুন হে পথিকবর ! সাজ হলো অতঃপর,
 মনোহর পদ্মিনী-আখ্যান ।
 যদি আর থাকে ক্ষুধা, যোগাইব কাব্য-সুধা,
 এইরূপ হৃদে ধরি ধ্যান ॥



